

金史紀事本末

金史紀事本末卷十一

馳封資政大夫 特賞內閣中書前江西峽江訓導萍鄉李有棠編纂

規取隴蜀

太宗天會八年即宋高宗建炎四年也秋七月辛亥

以皇子右副元帥宗輔

原作窩哩盟亦作說里朶

赴陝援羅索

原作

婁室攷異南宋書作婁宿通鑑輯覽作洛索本傳完
顏部人從太祖伐遼屢有功命為萬戶鎮黃龍府尋
獲遼主於伊都谷從宗翰侵宋定兩河進兵陝西城
邑多降汪輝祖金史同名錄云父白答七水諸部長
卷三太宗紀天會元年遼乙室部人卷一百
二十九蕭裕傳海陵時牌印三人同名白答先是遣
羅索經畧陝西而雍州全得焉分永興慶延環慶秦
原涇原熙河六路各置經畧安撫司攷異王存元豐
九年志云陝西路興國二年分河北河南路又有陝

合陽縣志卷之五

府西路後併一路熙寧五年分永興秦鳳二路永興

軍鎮京兆河中二府陝延同華耀郿鄠解慶號商寧

坊丹環十五州保安一軍秦鳳路領鳳翔一府秦涇

熙寧成鳳岷渭原階河蘭十二州鎮戎德順通遠三

軍續通考云金併陝西為京兆涇原鄜所下城邑叛

延四路置陝西路統軍司及轉運使

服不常其監戰之阿里布原作阿請益兵攻異實嘉

索討陝西未下實嘉努領本部兵援之後戊酉京封

魯國公太祖塔紀未載汪輝祖金史同名錄云實嘉

努原作石家奴卷六十五幹者傳海陵時中都守城

軍官卷一百一曰琢傳興定三年福山縣令三人同

名石帥府會諸將議乃命宗輔往詔曰羅索往者所

家奴向輒克今使專征陝西淹延未定豈倦於兵而自愛

耶關陝重地卿等其戮力焉攷異薛應旂通鑑云建

州李彥仙死之彥仙在陝為戰守備遣邵興後號州

敗金烏魯兵婁宿至復大敗之僅以身免後以十萬

衆環攻張浚檄曲端往援不進城陷彥仙投河死其
屬官居民無一人降者字少嚴彭原人贈彭武節度
諡忠威先是張浚既平苗劉亂謂中興當自關陝始
命爲宣撫處置使治兵興元以圖中原置幕府秦州
積粟理財以待巡幸用趙開總川賦拜曲端爲威武
大將軍本司都統制辟劉子羽參議軍事以吳玠吳
玠掌帳前親兵子羽字彥修崇安人幹長子開字應
祥普州安居人王海云拜浚宣撫賜川陝官吏軍民
詔曰今遣浚往諭密旨其念祖宗積累之勤勉人臣
忠義之節以身殉國無貽名教之羞同德一心共建
隆平之業尙有懋賞以答殊勳熊克小紀載曲端拜
官詔畧曰卿久提貔虎之師式遏虎狼之寇覽行臺
之邊奏知分閫之賢勞己建隆名俾護諸將兼制五
路折衝二邊庶展盡於猷爲豈復憂於讓問學士張
守詞也又云開總財賦大變酒法推行四路於秦州
置錢引務興州鑄銅錢官賣銀絹聽民以錢引或餉
錢買之凡民錢當入官並聽用引折納官支出亦如
之民以爲便朱勝非秀水關居錄云浚便宜行事
多出敕未以便銜押字黃紙大書席益徐俯皆不平
之勝非曰彼自建康出國門已行便宜事矣後因沈

與求言令浚等止降指揮勿得爲詔時赤氣蔽天中有白氣如練貫之宋史高宗紀云四年二月金人內犯浚自秦州入援進至房州後聞金兵退乃還三月金冠終南縣經畧鄭恩戰死續綱目云金入潼關端使玠拒於彭原敗之薩里罕懼而泣羅索復戰玠敗部將楊晟死之端退屯涇源邠州被焚玠怨端不救由是有隙浚尋罷端兵柄卒用玠與王庶言殺之北盟會編云端馬名鐵象日馳四百里及被逮連呼鐵象可憐既爲康隨害鐵象亦斃林泉野記雲端字師尹鎮戎軍人通書史善屬文精騎射死之後軍民解體潘永因宋稗類抄云端字平甫屢戰有聲浚欲大舉使張彬往覘語不合卒爲所陷時建炎四年八月也迨浚得罪詔追復端職制曰頃失意於權臣卒下獄於謹死恩莫追於三宥人將贖以百身及金歸河

南又詔諡壯愍制曰屬委任之非人致刑誅之橫被興言及此流涕何追端爲涇原都統日有叔爲偏將戰敗誅之祭以文曰嗚呼斬副將者涇原都統日有叔爲偏將祭叔者姪曲端也尚饗一軍畏服浚嘗按視端軍端以軍禮見異之及點視放五鵠則五軍畢集旗械鮮明浚雖稱善心思之浚自興州移師閬州端詩云不

向關中興事業却來江上泛扁舟其重得罪以此周密齊東野語又載其詩云破碎山河不足論幾時重到渭南村一聲長嘯東風裏多少未歸人斷魂陸游老學菴筆記云曲端吳玠均有重名西人爲之語曰有文有武是曲大有謀有勇是吳大端能書金閨中錦屏山壁間有其書奇偉可愛又姚福進者兕麟之祖也德順軍人以挽強名於秦隴間至今西人謂其族爲姚硬弓家趙翼劄記云浚一生不主和議以復仇雪恥爲念固屬正人然李綱入相時宋齊愈以附逆伏誅浚爲御史劾綱以私意殺侍從且論其招軍買馬之罪見綱傳而趙鼎傳謂浚嘗薦秦檜可任大事汪伯彥傳謂伯彥既貶浚以舊嘗引己與檜援郊祀恩起伯彥知宣州高宗紀載浚嘗與飛論淮西事不合飛因解兵喪歸浚奏其意在併兵以去要君遂命張宗元權其軍事戴植鼠璞謂陳東上書被殺浚又奏胡呈筆削東書以布衣挾進退大臣之權遂追勒編置蓋浚乃黃潛善客程則李綱客也今浚傳皆不載惟畧載殺曲端事而又謂端部將張忠彥降金故下端於獄似非枉殺者未免意從迴護也費士戢蜀口用兵錄謂端非因庶譖王之望西事記謂端

素少浚浚因銜之又云浚前至襄陽薦程千秋為京
西制置使便宜行事守令以下得誅賞奪為桑仲敗
仲據襄陽千秋遁走以王以甯王擇仁代續通考云
興元府本唐梁州改漢中郡又為興元府宋因之邪
州本唐幽州以字類幽改為邪宋金皆九月癸亥宗
因之領新平葭化宜祿永壽三水五縣
輔等敗宋張浚軍於富平耀州降宋史地理志云耀
義軍屬永興路縣六富平其一攷異輿地廣記云耀
州春秋屬秦秦屬內史漢屬左馮翊元魏置北雍州
西魏改宜州復為通川郡隋置宜君郡李茂貞置耀
州升義勝軍梁改崇州靜勝軍後唐為順義軍今縣
七華原富平三原雲陽同官美原涇化續通考云耀
川唐初為宜州後為華原縣改耀州宋為威義軍改
威德後仍舊金降為刺史軍領華原同官美原三原
四縣富平唐徙治義原城五代梁屬耀州宋金因之
乙丑鳳翔府降攻異績綱目云七月張浚遣兵復陝
秦鳳孫偓涇原劉錡環慶趙哲及吳玠兵四十萬人
馬七萬匹錫係錡兄為統帥迎戰王彥及劉子羽諫

不從行次富平玠勸據高阜不聽羅索引兵驟至與
柴囊土藉淖平行進薄諸營方力戰勝負未分敵鐵
騎直衝趙哲軍哲軍驚遁諸將皆潰金乘勝而進關
陝大震浚退保秦州斬哲置錫台州自是關陝不可
復論者咎之李心傳朝野雜記云趙哲當復辟時功
在西邊稱為名將故魏公詩之當時不以爲是周密
齊東野語云時端部將張中孚李彥琪諸州羈管及
富平敗與趙彬等相繼降金遂犯秦州五路悉陷浚
以三人皆端心腹疑其知情西人多上書訟端冤浚
益忌其得衆心殺之紹興四年浚還朝侍御史辛炳
奏劾落職居福州羅大經鶴林玉露云浚懼端得士
心殺之端死衆心益離富平之戰我師詐傳端旗以
懼敵婁室知端已死撫掌笑曰何給我也盡銳力攻
我師敗績西陲非我有矣後高廟配享洪景廬舉此
爲魏公罪遂不得侑食王之望西事記云時浚貸民
賦五年錢帛所在山積又謂端負才喜犯上非浚所
能御不若殺之議者罪浚蜀士多貽書詆訶浚優容
之有題六言詩於傳舍者又從而拔之皆諂訕之辭
浚籠以碧紗且書後謂中其病此所以敗而不亡也
續通鑑云是役也洛索已病旣戰烏珠左翼部將將

金史紀事本末卷十一

四

卻羅索以右翼力戰遂敗浚軍張浚行狀云九月二十
十四日烏珠與尼瑪哈會按尼瑪哈時在雲中蓋誤
趙鈺之遺史云諸軍驚亂浚乘騎急奔諸軍皆潰時
浚在邠州亦誤南宋書云浚初榜曰能生得婁宿者
白衣授節鉞婁宿亦榜曰能生擒浚者賞牛一頭北
盟會編云時郭奕為詩謂浚曰秦山未盡蜀山來日
照關門兩扇開刺史莫嫌迎候遠相公新送陝西回
繫年要錄云奕萬年人為幕官嘗諫用兵眉山王賞
亦獻養威持重二策浚不納張浚丁巳瀟湘錄云初
奉使川陝上謂五年後方可大舉嗣聞兀朮南侵欲
傳檄舉兵以圖牽制子羽曰相公不記臨行天語乎
此兵非五年訓練不可用浚曰萬一有前日海道之
行變生不測吾儕奈何子羽議遂塞論者謂浚輕舉
歸罪子羽為多天實鑒之也宋史高宗紀云八月統
制閻興屢破金人於解州東九月李彥琦敗金人於
洛河車渡金陷延安府執呂世存又陷保安軍史未
載王上海云紹興六年召張浚入見獻中興備覽四十
一篇上嘉歎置座隅又八年教授李昌言應詔撰中
興要覽十篇七年林保進中興龜鑑十三年何冬十
補又上十卷十二年布衣陳靖上中興統論

二月甲辰宗輔下涇州丁未渭州降敗宋劉倪軍於

瓦亭戊申原州降宋涇原路統制張中孚知鎮戎軍

李彥琦以眾降馬武等擊宋吳玠軍於隴州宋史地理志云

涇州為安定郡彰化軍縣四渭州隴西郡平涼軍縣

五原州平涼郡縣二鎮戎軍本原州高縣地若七隴

州汧陽郡縣四皆屬秦鳳路攷異輿地廣記云涇州

秦屬北地郡漢武分置安定郡元魏並立涇州唐為

彰義軍今縣四保定靈臺良原長武渭州秦屬北地

郡漢屬安定郡隋初屬原州後屬平涼郡唐沒於吐

蕃後以原州之平涼縣置行渭州後為隴西郡縣五

平涼潘原安化崇信華亭原州唐分涇州置後沒吐

蕃於靈臺之百里城置行原州後唐曰平涼郡今縣

二臨涇彭陽鎮戎軍秦漢屬北地郡元魏置高平鎮

後為郡隋為平涼郡唐曰原州後沒吐蕃今以故平

高縣地置隴州秦屬內史二漢屬右扶風西魏置隴

州唐曰汧陽郡縣四汧源汧陽吳山隴安續通考云

唐改安定郡後為涇州宋為彰化軍金改保定縣為

金史地理志云

涇州徙治長武領涇州長武良原靈臺四縣平涼府
唐爲馬監隸原州宋爲涇原路升平涼軍金立平涼
府設轉運提刑司大定中改屬鳳翔路領平涼潘原
崇信華亭化平五縣又唐原州宋爲鎮戎軍金升鎮
戎州縣二東山三川元立開成府尋降爲州廢廣安
爲縣隸焉明改名固原隴州宋金置防禦使大定中
隸鳳翔領汧陽汧源隴安三縣後增靈山鎮爲四縣
方輿紀要云瓦亭關名在華亭縣西北百八十里屬
平涼府中孚字信甫張義堡人仕金至右丞開府贈
鄧王周密齊東野語云張中孚降金實秦相陰遣雖
吳氏兄弟亦不知其謀每欲勦其族故金人信之不
疑及虞允文以兵書開宣幕以王爵告命招之乃徑
自屯所來歸按金史中孚傳中孚降睿癸亥宗輔以
宗載在九年與太宗紀及睿宗世紀異
陝西事狀聞詔獎諭之金攻異薛應旂通鑑云十一月
陷渭州鎮戎軍叛將慕有引金兵克環慶畢沅續通
鑑纂有作慕容洸續綱目云浚聞金入德順軍乃退
保興州時輜重焚棄將士散亡惟親兵千餘自隨人
情大沮或請徙治夔州子羽叱之曰孺子可斬也因

請留駐興州外繫關中之望內安全蜀之心浚然其
計子羽請行單騎至秦州召諸亡將皆以兵會凡十
餘萬軍勢復振且請遣吳玠駐軍鳳翔大散關東之
和尚原以斷敵來路關師古聚熙河兵於岷州大潭
孫偓賈世芳等聚涇原鳳翔兵於階成鳳三州以固
蜀口金人知有備遂引去呂大麟見聞錄紹興初富
平大尉王庶籍興元及諸縣良家子弟義士知縣爲
軍正尉爲軍副日閱武於縣月閱武於州不半年有
兵二十萬州校厚犒賞可戰則令尉改秩今十二月
川口義士尙衆皆庶倡之擢徽猷閣直學士
丁丑羅索卒本傳贈侍中開府追封華王諡莊義配
享太宗廟廷子尼歷京兆尹封廣平
郡王諡貞濟默音官東京留守封榮國公實古納終
北京留守大金國志謂婁室之卒在天會十年追封
郃王攷異續通考婁室字幹里衍正隆例降金源郡
王和尼作活汝降代國公默音作謀衍官右副元帥
乙酉宗輔敗宋劉維輔軍壬辰熙州降時師至熙河
持嘉暉別降諸寨將鈐轄及吐蕃酋長等并民戶萬

五千餘蘭州叛與鄂勒博等攻下之獲河州安撫使

白常熙河副都總管劉維輔以獻宋史地理志云熙州為臨洮郡鎮洮

軍治狄道河州為安鄉郡治寧河號熙河路統州五

蘭州為金城郡治蘭泉攷異輿地廣記云熙州春秋

為西羌秦置隴西郡晉分置狄道郡元魏置臨洮郡

唐陷吐蕃號武勝軍今升鎮洮軍縣一狄道河州古

西羌地秦漢屬隴西晉置晉興郡苻堅立河州後周

為抱罕郡唐為安昌郡縣三抱罕大夏鳳林蘭州亦

西羌地秦漢屬隴西郡隋置蘭州又為金城郡唐因

之縣二五泉金城後陷吐蕃今復縣一蘭泉續通考

云熙州金為臨洮府明領蘭河二州狄道金縣渭源

三縣河川在臨洮府東南元領定羌寧河安鄉三縣

蘭州金縣即金州續綱目金掠熙河維輔擊敗之殺

五千入俄復至惟輔急出城欲焚積粟為金執梓以

去惟輔曰死犬斬即斬吾頭豈汝梓也即閉口不言

死所部多不屈被殺畢沉續通鑑云將官韓青高子

儒皆不降而死太宗紀

未載惟輔死姑從之

九年春正月癸丑宗弼阿里布

原作阿南補系出景祖滅遼舉宋皆有功

從睿宗定陝西歷右都監遷左監軍後宗弼復河南為左副元帥譚國公卒官行臺左丞相傳在卷八十八

至卷六十五之阿里布係伊克子另一人撫定鞏洮河樂西甯蘭廓積石

等州涇原熙河兩路皆平

宋史地理志云洮州號臨城樂州舊遼川城即湟州

西甯州舊唐城即鄯州為西平郡賓德軍廓州為寧塞城積石軍本溪哥城皆隸秦鳳路攷異輿地廣

記云洮州古羌地為吐各渾據後周置洮陽郡兼立洮州隋唐為臨洮郡縣一臨津後陷吐蕃今收復樂

州漢晉後屬西平郡唐屬鄯州今為湟州西甯州古西羌地漢武還諸羌乃渡河湟築令居塞東漢末置

西平郡後魏置鄯州後周置樂都郡隋唐為西平郡後陷吐蕃今收復為賓德軍廓州古西羌地漢末屬

西平郡後周為廓州唐曰寧塞郡後陷吐蕃今收復積石軍本漢金城郡河關縣唐置軍後陷吐蕃今

復置薛應旂通鑑云紹興元年三月金破福津縣同谷以迫興州浚退保閬州以張深為四川制置使與

合... 卷之三... 十一

子羽趙益昌王庶為利夔制置使知興元府宋史

同谷作蹀同谷又以吳玠為陝西都統制時關隴六

路盡陷只存階成岷鳳兆五郡及和尙方山二原金

既得陝西地悉與偽齊見太宗紀畢沅續通鑑云正

月金掠天水縣知縣趙璧雷震張昔不屈死知扶風

縣廉傑知天興縣李伸及盧大受田敢都監劉宣巡

檢王琦通判刁翬皆為金殺明一統志扶風縣名冬

宋仍舊唐屬鳳翔文獻通考云鳳翔府治天興縣冬

十月戊寅薩里罕原作撒離喝改名果攷異南宋書

相兼左副元帥等誣其謀反被誅於其家大定初攻

追封金源郡王諡忠襄配享太宗廟廷詳卷九

下慶陽古慶州為順化軍縣四州一攷異輿地廣記

屬北地郡西魏置朔州隋立慶州唐曰安化郡改順

化升定安軍縣三安化合水彭原續通考云宋改慶

陽軍金為慶源路慶陽置安定軍領三縣明別將持

加西甯一州除彭源加環縣真甯屬河西道

嘉暉兩敗重敵殺其將戴巢募洧以環州降軍今為

環縣政異輿地廣記云環州元魏分靈州置後周爲
會州隋改環州唐末置安樂州居吐谷渾後沒吐蕃
大中間收復號威州周日環州改通遠軍今復舊縣
一通遠續通考云環州隋置立鳴沙縣唐革州以縣
隸靈州宋沒於夏仍舊名元立鳴沙州此之環州當
是今環縣并錄之以資攷證繫年要錄云時環慶帥
趙哲誅以孫恂代斬敗將張思宗弼攻宋吳玠於和
喬澤洧大懼遂叛所載較詳

尙原

在鳳翔府寶雞縣西南三十五里

抵險不可進乃退軍伏兵起

且戰且走行三十里將至平地宋軍陣於山上宗弼

大敗將士多戰死

攷異薛應旂通鑑云玠自富平兵敗收散卒保和尙原積粟繕兵列

柵爲死守計鳳翔烏魯折合自階成約期會兵折合先

將沒立白鳳翔烏魯折合自階成約期會兵折合先

期至陣北山索戰玠更戰迭休金敗遁沒立方攻箭

苦關玠遠將擊敗之兩軍終不得合金自起海角狃

於常勝與玠戰輒敗憤甚謀必取玠兀朮會諸部兵

十餘萬造浮梁跨渭自寶雞結連珠營壘石爲城夾

淵與官軍相拒進薄和尚原玠與弟璘選勁弩分番
迭射號駐隊矢連發不絕敵稍卻則以奇兵夾擊絕
糧道度其困且走設伏神至敵至伏發遂大亂因縱
兵夜擊大敗之兀朮僅以身免亟剗其鬚髯而去熊
克小紀云烏珠中箭而遁俘其將英格貝勒及隊領
三百甲兵八百殺敵甚衆橫屍遍野是役也烏珠往
返萬里始末三年損衆踰半初有從馬數百僅留其
六道由平陽守臣蕭慶以三馬奉之得歸燕山北盟
會編云追至玉女津擒羊角李堇等二十餘人玠字
晉卿德順軍隴干人封涪王諡武安弟璘字唐卿
太師封信王沒立烏魯折合績綱目作摩哩敖拉扎
哈通鑑輯覽作默啜額勒濟格又烏魯折合小紀作
鄂拉扎哈畢沅續通鑑謂爲二人繫年要錄折合作
珠赫舊唐書地理志云寶雞本隋陳倉縣至德二年
改名寶雞陳倉城在縣東二十里又寶雞縣西南二
十五里有玉女潭在玉女祠下未知卽係玉女潭否
箭箬關卽箭箬嶺其山兩歧俗呼箭箬在汧陽南十
五里見通鑑胡注岐山縣志云岐山一名天柱山卽
箭箬嶺在縣東北五十里麟遊縣志云縣南五十里
有箭箬山接岐山界宋末粘沒喝攻此吳玠遣兵擊

敗之蓋邑之險峻處也未知孰是均見劉於義陝西通志

十年冬十一月癸未薩里罕請取劍外十三州與宋

王彥軍七千人遇於沙會樂遂克金州宋史地理志云號爲安康

郡昭化軍卽今興安州隸京西南路攷異王存元豐九域志云金州卽晉懷德軍縣四西爲州治洵陽漢陰石泉薛應旂通鑑云時金久窺蜀以和尙原扼其衝不得逞將出奇取之乃以叛將李彥琪駐秦州峴仙人關以綴吳玠河池之師復游騎出熙河以綴關師古撒離喝自商於直擣上津攻金州敗王彥兵三千彥焚積聚退保石泉金州陷宋中興四朝志云和尚原鳳之東境抵鳳翔不能百里自兩當縣直出鳳州取大散關距和尚原纔咫尺仙人關興之東境距利州纔七驛祝穆方輿勝覽云敵憑和尚原下視散關僅如螳蜋猝有緩急惟仙人關可恃明一統志云路分左右自成州經天水出皂郊堡直抵秦州此左出之路自兩當趨鳳州直出大散關至和尚原此右出之路宋白續通典云石泉縣名宋仍唐舊宋史地

理志河池郡卽鳳州縣三河池縣在今鞏昌界續通
考云明金州屬漢中府領平利洵陽白河紫陽沔陽
畧陽六縣續綱目云時朝廷疑浚殺趙哲曲端爲無
辜任子羽開玠爲非是乃以王似爲宣撫副使浚始
不安聞似來求解兵柄且論似不可任願浩勝非日
短浚召知密院命盧法原與似同治司事尋落浚職
命趙鼎代不果行鼎號稱賢相深喜伊川學凡門人
皆擢用浚客桐廬喻樗久乃見知薦爲正字王居正
草詞稱爲伊洛淵源爲衆所嫉因有伊川三魂之說
鼎爲真魂居正爲強魂楊時爲還魂謂身死而道猶
行世時以配元祐五鬼熊克小紀云諫議唐輝等言
劉子羽程唐爲浚謀主卽行貶黜詔貶子羽於白州
唐落職奉祠惟張澄遷直徽猷閣除漕江西畢沅續
通鑑云是年三月金經畧使薩里干等合兵來侵方
山原吳玠遣楊政雷仲等擊敗之浚擢政知鳳州金
州之破統制郭進戰死輯覽謂係明年正月事今從
太宗紀續通考云是年閏四
月丙申熒惑入氏紀未載

十一年春正月丁卯薩里干敗宋吳玠軍於饒風關

戊辰縣洋州甲戌入興元府

即漢中府領州二縣六

百二十里攻異輿地廣記云興元秦為漢中郡魏末

兼立梁州後周改漢川郡唐曰褒州升山南西道德

宗巡幸升興元府今縣四南鄭城固褒城西縣續通

考云洋州唐為郡後仍舊明為洋縣興元領縣五多

廉水宋史地理志云洋州為洋川郡武康軍縣三薛

應旂通鑑云撒離喝既克金州乘勝長驅趨洋漢劉

子羽問彥敗亟命田晟守饒風關召玠入授玠自河

池日夜馳三百里至饒風以黃柑遺敵曰大軍遠來

聊用止渴撒離喝大驚以杖擊地曰爾來何速耶遂

悉力仰攻六晝夜死者山積乃更募死士由間道自

祖溪關入繞出玠後乘高闕之諸軍遂潰敵入洋州

玠退保興元之西縣子羽亦焚興元退保三泉金入

興元至金牛鎮四川大震子羽遣玠書訣別玠因愛

將楊政勸間道往會復扼仙關子羽築壘潭毒山

方成金騎奄至子羽據胡牀坐壘口金兵等引去撤

商喝回鳳翔以書招子羽斬其使初子羽聞有金師

預徙梁洋之積金深入饋餉不繼殺馬及兩河所簽

軍士以食宋兵腹背要擊死傷十五六疫癘且作引

衆還因出師掩其後金人墮溪澗死者無算盡棄輜
重走餘兵多降子羽還興元金始謀本謂玠在西邊
故涉險東來不虞玠馳至雖入三州得不償失王彥
復金州金遂棄均房畢沅續通鑑云金用降將言自
蟬溪嶺遠出關背乘夜攻克郭仲荀山寨乃能乘高
下視饒風吳玠傳謂小校奔金導以祖溪關間道關
在饒風北四十里饒風關在西鄉縣東北百六十里
熊克小紀祖溪作租溪疑誤又云金遣人齎書招子
羽斬一人令一人還問曰孰遣汝來曰國相劉益也
石泉縣志云饒風嶺在縣西七十里南枕漢江與西
鄉接界爲秦楚蜀要道有關置此雍大記云山下有
饒風河縣道記云西縣本屬興元府宋平蜀以縣當
衝要直屬朝廷三泉縣名隸興元宋仍唐舊西鄉隸
洋州甯羌州沔縣志云潭毒山在縣西八十五里爲
子羽築壘處畧陽縣志云有青野原在縣北紹興三
年吳璘拒金兵曾駐兵於此均見劉於義陝西通志
十一月丙寅宗弼克和尚原州人呵哈孫都統布爾
噶蘇子從攻和尚原出仙人關宋兵據險明安綽爾
齊突戰不利實訥選麾下五十人戰克之與吳玠相

拒烏雅布行陣不整爲所乘實訥領兵逆戰大破之
計前後功襲父明安耶律恕傳本名耨埒遼秦王族
羅素與宗翰侵宋恕隸前鋒取和尙原攻仙人關特
爲睿宗所知終參政封廣平郡王紀未書繫年要錄
云宋失和尙原史及吳玠傳俱不載惟見胡世將奏
議然據玠自奏則在是年春夏之間耳周淙乾道臨
安志云紹興元年宣撫張浚劄子據吳玠陳請陝西
出兵自來祈禱三聖屢獲顯應乞於和尙原立廟賜
額曰旌忠廟封忠烈靈應王忠顯昭應王忠惠順應
王三年張俊等於臨安踏道橋東立廟改賜觀額三
十二年徙於覺苑寺故基宋史紀事本末云兀朮旣
陷和尙原於是宣撫司分陝西之地自秦鳳至洋州
吳玠主之屯仙人關金房至巴達王彥主之屯通州
文龍至威茂劉錡主之屯巴西洮岷至階成關師古
主之屯武都通鑑輯覽云通巴西洮岷至階成關師古
通州宋改達州通川郡此云通州蓋通川之誤續通
考云是年五月乙丑月忽失
行而南頃之復故紀未載

十二年春二月丁酉薩里罕敗宋吳玠軍於固鎮與方

紀要云在漢中府鳳縣西百二十里攷異宋史紀事
本末云是年三月吳玠吳玠與金兀朮戰於仙人關
敗之先是玠因和尙原饋餉艱令弟玠別築壘於仙
人關右之殺金坪移兵戍守至是兀朮撒離喝劉夔
由和尙原進攻自鐵山鑿崖開道循嶺東下玠以萬
人守殺金坪戰七晝夜始與玠會敵屢攻營壘率楊
死守冒圍轉戰於東韓常陣於西麟率銳師介其
間左右迎擊軍少憊急屯第二隘金生兵踵至被重
鎧鐵鈞相連魚貫上璘以駐隊矢疊射死者層積踐
而登撤離喝命攻西北樓姚仲登樓酣戰樓傾挽以
帛復正金用火攻仲以酒缶撲滅之玠急遣田晟以
長刀大斧左右擊明炬四山震鼓動地明日出兵統
領王喜王武率銳士分紫白旗入金營金陣亂奮擊
韓常中左目金人始宵道玠遣統制張彥劫橫山砦
王俊伏河池扼其歸路又敗之是役也兀朮以下皆
攜妻孥來夔爲豫腹心欲圖蜀不得逞乃還鳳翔援
甲士田爲久計不敢妄動矣趙牲之遺史云烏珠決
計入川劉豫弟益時知長安告玠早爲備因爲壘關
側號殺金坪本林泉野記恐候大金國志云初統制

郭震爲元尤所襲破其寨軍屢敗玠斬震以徇乃勝
祝穆方輿勝覽云殺金坪在長舉縣境畧陽縣志云
保福山在縣西北百十里白水江北相近有殺金嶺
其傍地名殺金坪吳玠拒金人卽此處隴州志云八
渡河卽一水河發源望輦峯右旋遶廟前東北流入
汧水又神全溝在閬苑西三里許一通五峯山壑一
通一水河源卽吳玠敗兀尤處又有沙金谷在州西
北十五里宋建炎中敗金人於此沙作殺薛應旂通
鑑云四月關師古擊敗金人於熙河技寨數十旣而
募消與金人合兵攻之師古戰不勝降金畢沅續通
鑑云正月師古襲偽齊大潭縣至石要嶺兵敗降劉
豫失洮岷地玠并師古軍厚資給兵益精強又十三
年春牛皁高萬任安秦元薛琪張亨與金人遇於瓦
吾谷死之宋史劉豫傳石要嶺作左要領熊克小紀
云師古因和議請歸朝授馬軍都虞候卒諡毅勇同
歸者尙有趙彬張中孚中彥皆補官富察和珍傳按
春水人天會三年從侵宋攻太原敗敵兵復破宋兵
三萬於榆次境六年攻京兆先登有功七年取邠州
敗宋兵二十餘萬克張浚於富平十二年擊關師古
於臨洮敗其衆三萬從取德順秦鞏臨洮河蘭等州

金史紀事本末卷十一
敗吳璘兵終隴州防禦
使鳳翔尹紀均未書

熙宗天眷三年夏五月丙子詔元帥府復取河南陝
西地右監軍薩里罕出河中趨陝西旣至鳳翔擊走
宋軍時師至耀州宋人每旦出城張旗閱隊郝總管
古雲請兵五百伏山谷俟其出舉旗伏兵發宋兵馳
入城古雲麾軍登城拔宋幟立金幟宋軍未入者遂
降拔其城宋軍在京兆西者甚衆諸將以暑雨欲駐
軍且聞宋兵九萬會於涇州都元帥宗弼遣河南步
卒來會遂留諸軍屯環慶獨以輕騎取涇州六月擊
敗宋兵初薩里罕欲退古雲曰我退守吳玠必取鳳

翔據潼關

在今華陰縣東四十里古桃林寨

吾屬無類矣不如速戰

從之玠軍自涇之西原來古雲錫卜察擊其左右軍

少卻巴爾斯當其前衝擊之遂敗玠軍僵尸滿地

異攷

宋史紀事本末云紹興九年和議成授吳玠四川宣撫使六月卒以胡世將代十年五月詔璘同節制諸軍金渝盟撤高喝入同州趨永興陝西州縣所至迎降遂進駐鳳翔初關陝新復分軍屯熙秦鄜延諸路至是皆隔在敵後遠近大震六月世將召諸將議璘以百口保破敵乃分兵據渭南金犯石壁璘遣姚仲等破走之既而鵠眼郎君三千騎衝璘軍統制李師顏擊敗之拔其扶風新城二縣獲二將及女真百七十七人撒離喝怒甚自戰百通坊仲力戰破之還鳳翔自是不敢爭趨邠州田晟及王彥楊從儀屢擊破之蟲嶺不敢爭趨邠州田晟及王彥楊從儀屢擊破之復敗之於涇州俘獲甚眾走還鳳翔史未書國兵屢敗事宋史高宗紀云六月鄭建復醴州傳忠信敗之於華陰王喜破之於汧陽吳玠再敗之於陝州孔文

清敗之於鐵城堡王俊敗之於整屋楊政等破之於鳳翔城南秦熊克小紀云世將遣王俊復興平醴泉二縣吳琚攻秦州拔之守臣武誼將官邵卞成紀知縣荔諫皆降時薩里罕遣刺客刺楊政事覺誅之北盟會編云初張燾詣永安朝陵回奏虜情難測乞陝西早命大帥檜出燾知成都見宣撫世將勸守和尙原及保蜀口乞料外錢五百萬貫備緩急蜀得無虞陸游老學菴筆記云吳武安玠葬德順軍隴干縣今雖隔在虜境松楸甚盛歲時祠享不輟虜不敢問也玠諡武安而梁益間有廟賜額曰忠烈故西人至今但謂之吳忠烈云韓澆澗泉日記云趙開府副吳玠軍須紹興四年總爲錢千九百五十五萬七千餘緡五年視四年又增四百二十萬五千緡所謂趙開府疑卽鼎也薛應旂通鑑云十月撒離喝陷慶陽知府宋萬年降經畧王忠植死之史未載繫年要錄云忠植步佛山人初取石州十一郡拜華州觀察使後贈奉國節慶使諡義節世將樞副宿子小紀謂忠植贈開府儀同節度使官其子孫十人不拜全詔死於延安劉於義陝西通志云西平原一名大蟲嶺在寶雞縣東北十五里吳玠與金將相持於此其原延亘東

接鳳翔界渭南華陰縣名屬華州汧陽縣名今隴州
塹屋縣名屬鳳翔雍大記云邠州城南有紫薇山遠
跨外郭上有宋冬十二月己亥以薩里罕爲右副
金時屯兵故砦元帥宏簡錄謂雄偉有才畧大金國志云智勇俱無
郎君趙嗣石墨鏐華金都統經畧郎君行記郎君稱
皇弟無姓名天會十二年記當爲太宗之弟按金史
世祖子十一人自康宗太祖太宗而外尙有八人未
知誰是碑一字不能辨蓋女真字如是王元美所錄
明王慎德四夷咸賓八字正與此同法字刻唐乾陵
無字碑上凡一百五字後有譯書漢字具錄左方大
金皇弟都統經畧郎君嚮以疆場無事獵於梁山之
陽至唐乾陵殿廡顏然一新廼廊四起不勝欣懌與
飾今復謁陵下繪像一新廼廊四起不勝欣懌與
陽太守酣飲而歸時天會十二年歲次甲寅仲冬十
有四日尙書職方郎中黃應期宥州刺史王圭從行
奉命題按金世祖子皆未嘗經畧陝西惟薩里干爲
安帝六代孫又爲世祖養子其在陝西最久金時宗
室皆稱郎君此或爲薩里干也碑在陝西而字體無

從辨識識恐不免傳刻之訛石墨鐫華傳寫恐尤失真
今謹載譯文以謹闕疑延札們都傳李世輔叛邀至
私署刼執之們都奔告達蘭率兵追及與戰始得脫
們都隆州人正隆初爲甯州刺史大定初宋吳璘據
秦隴以勇烈軍都總管從克德順授通遠節度北盟
會編云世輔執撒离喝率兵走牛途以江南議和許
還河南地出文字示之遂放歸世輔奔夏家屬盡被
害奪自夏執其宰相王樞歸宋名臣言行錄云顯忠初
德軍人卒贈開府諡忠襄宋名臣言行錄云顯忠初
仕金知同州以計執金撤离喝密圖南歸後由漢村
經臨高原奔夏原在澄城縣南五十里有龍泉味甘
如醴隋文帝在同州每取致焉見西安府志又雒川
縣志云縣南入十里有馬翅谷宋李顯忠嘗屯兵於
此紹興中李永奇謀南歸金人賊殺之於馬翅谷見
宋史又黑水砦在威戎城南六十里紹興中金以李
顯忠爲蘇尾九族都巡檢使駐兵黑水堡見地理志

皇統元年秋宗弼侵宋宋乞罷兵宗弼以便宜畫淮

爲界

攷異宋史高宗紀云紹興十一年正月楊從儀
敗金人於渭南金陷商州邵隆走二月隆破金

人於洪門復商南四月募洧陷新泉砦攻會州朱勇
破之九月璘拔秦州州將武誼降姚仲敗金人於丁
劉圖邵隆復號州楊政敗金人於寶雞擒通檢李堇
隆復陝州薛應旂通鑑云九月璘既拔秦州聞金統
軍胡蓋與習不祝旂合兵五萬屯劉家園請於胡世將
擊之用新立壘陣法先一日請戰敵皆笑璘遣王彥
姚仲銜枚渡河陟峻嶺截坡上約二將上嶺而後發
火二將至嶺寂無人聲軍已畢列萬炬齊發敵駭愕
曰吾事敗矣習不祝善謀胡蓋善戰二人異議璘先
以兵挑之胡蓋果出塵戰璘以壘陣法更休迭戰輕
裘駐馬亟麾之士殊死鬪金人大敗降者萬人胡蓋
走保贛家城圍而攻之城垂破會議和詔班師時陝
晉首領爭來附政下隴州破岐下諸屯郭浩復華州
入陝州詔至各引師還世將浩嘆而已按劉家園一
作劉家灣在秦州東北胡蓋作罕占習不祝作希卜
蘇繫年要錄胡蓋作罕札時西和州巡檢元成戰死
熊克小紀云璘進兵劉家灣與敵將賀珍即君戰兵
大潰稍異又云璘嘗著兵書大畧言金有四長我有
四短當反我之短以制彼之長瓜爾佳實訥傳時宋
人欲潛兵襲取石閭諸營實訥潛自渭南大禹鎮掩

其伏兵射中其軍帥宋兵敗走多所俘獲除華州防
禦使終昭義節度紀未載大金國志云宋割商秦之
半界金人初宋邵隆在商州始終十年披荆榛招
離散至是割屬金始快快後徙金州檜酖殺之

廢帝海陵正隆六年

十月以後為世宗大定元年

秋九月南侵宋

命河中尹圖克坦喀齊喀

原作徒單合喜攻異宏簡錄喜作嘉

為西蜀

道都統制平陽尹張忠彥副之

中彥字才甫中孚弟初仕宋知德順軍降

金官至開府攷異大金國志云以金紫光祿大夫張
忠彥統步軍孟州防禦使王彥章副之將五萬眾據
秦鳳以伺巴蜀未載喀齊喀名今從史王存元豐九
域志云乾德三年平兩川併為西川路開寶六年分
峽路咸平四年分益梓利夔四路嘉祐四年以益都
路為成都府路領成都一府眉蜀彭綿漢嘉邛黎雅
茂簡威十二州一監五十八縣梓州路領梓遂果資
普昌戎瀘台榮渠十一州懷安廣安二軍一監四州
九縣利州路領興元一府利洋閬劍巴文興蓬政九
州三十九縣夔州路領夔黔達施忠萬開涪渝九州

雲安梁山南平三軍
大甯一監三十縣
由屬翔取散關宋人攻秦州

家城德順州克之
方輿紀要云大散關在鳳翔府寶

水郡雄武軍縣三隸鞏昌府德順州為德順軍即渭

州隴干縣攷異大散關一曰散關水經注云汧水東

入散關唐書地理志云寶雞西南有王存元豐九域志云寶

典云舊關故城在寶雞西南王存元豐九域志云寶

雞縣有武城車舍大散三大鎮中興四朝志云屬梁

泉縣在寶雞南為秦蜀往來要道關距和尚原近兩

山關控斗絕出可以攻入可以守實表裏之形勢也

鳳縣志云黃牛堡在縣東北百十五里交寶雞界據

黃牛寨山當散關之衝吳玠將楊從義所築營與金

散離喝大戰於此安丙傳兩修黃牛堡築趙興原屯

千餘人鳳州秋防原尤為險絕紹興初州治於此均

見劉於義陝西通志薛應旂通鑑云紹興三十一年

五月以吳璘為四川宣撫使王剛中副之八月金徒

單合喜將五千騎扼大散關游騎攻黃牛堡守將李

彥堅告急剛中跨一馬馳二百里至璘營起璘於帳

中責之曰大將與國義同休戚臨敵安得高枕卧璘

金史紀事本末卷十一

宋

大驚馳至殺金坪進軍青野原調內郡兵分道進援
黃牛剛中又檄張正彥濟師西師大集李彥堅以神
臂弓射金師却之璘遣別將彭青至寶雞渭河夜劫
橋頭寨破之進復隴州分遣劉海復秦州曹洙復洮
州金師退剛中馳還謂其屬李燾曰將帥之功吾何
有焉李燾曰身督而功成不居過人遠矣宋史剛中
字時亨饒州樂平人諡恭簡時蘭州將王宏殺其刺
史溫敦烏也來降潘青復隴州畢沅續通鑑云十月
姚仲遣王俊敗金人於東洛谷口任天錫等克豐陽
縣及商洛縣復商州獲其將完顏守能柳萬克伏羌
城吳挺敗金人於治平寨任天錫取朱
陽縣武鉅復盧氏縣及虢州史未載
宋人破陝州號保平軍縣七屬永興軍攷異輿地廣
地秦屬三川郡漢晉屬宏農郡後魏兼立陝州唐末
號興唐府又為保義軍續通考云唐初為陝州改陝
郡宋號保平軍金貞祐中升為防禦使折可直降同
節鎮領陝靈寶湖城閔鄉四縣
知使事李柔立死之攷異大金國志云金人侵陝州
宋任天錫擊敗之畢沅續通鑑

云十一月任天錫復虢州敗守臣蕭信兵邢進復華
州獲其將韓端愿等二十餘人十二月王中正克治
平寨宋史高宗紀云任天錫復上津商洛二縣及陝
州楊堅復灤川縣又敗金兵復長水縣王彥復福昌
縣閭玘復澠池縣吳璘復水
洛城及治平寨史均未載

世宗大定二年春二月丁巳鄭州防禦使富察世傑

本傳原名阿薩爾遼陽人從海陵南侵敗宋王權兵
於和州歷華州亳州防禦使攷異汪輝祖金史同名
錄云本名阿散亦作阿撒卷十八哀宗天興二年右
副點檢卷八十二武定節度移刺溫三人同名阿撒
取陝州時宋兵屯石壕鎮舊為峽石縣屬陝州攷異
六鄉石壕乾世傑擊敗之復敗宋援兵三千宋兵二
壕故縣三鎮
千自潼關來討邵之復敗之於土壕山生擒其將又
破之於斗門城及土華遂圍之親率選卒二百穴地

以入城遂拔再破宋兵三萬復虢州屬永興軍路攷

虢州春秋時號南境為晉取秦置三川郡漢晉屬宏

農郡隋為宏農郡改鳳林郡唐初置鼎州後為虢州

今縣三號畧盧氏朱陽續通考云盧氏縣因盧敖得

仙而名本虢州治唐徙州治宏農五代宋金俱屬虢

州宋史高宗紀云二月金犯虢州璘遣將楊從儀等

攻之分兵守和尙原金人走寶雞馬貴斷河中橋敗

金兵王彥敗金人於虢州東姚仲遣段彥復原州姚

仲攻德順軍敗金人於瓦亭砦新店畢沅續通鑑云

二月惠逢敗金將溫特稜兵復河州及積石軍來羌

城姚仲遣將復鎮戎軍楊從儀等拔大散關均未言

其破虢州事今從史岳珂程史云紹興壬午春南北

既交兵宣撫吳璘謀取雍使大將姚仲使幕屬宋絨以

下妄謂賞給薄時王之望總軍賦仲使幕屬宋絨以

書抵之邀取銀絹錢引若干之望覆書取保狀絨慚

悔仲亦大恐閏月辛酉率三月癸卯圖克坦喀齊

喀敗宋兵於德順州時宋吳璘侵古鎮分據散關和

尙原兵十餘萬喀齊喀請濟師詔益河南兵萬人遣

丹州刺史持嘉烏蘇塔克

原作赤蓋胡速魯

以兵二千守德

順璘以二十萬人圍之會統軍都監舒穆魯迪里破

宋兵於河州

攷異畢沅續通鑑云閏二月金將溫特稜攻破河州屠其城與史異李師雄傳

字伯成雁門人仕宋官清平尉入齊擢都統制知淄

州齊廢厯武勝節度正隆末爲河州防禦使吳璘攻

秦隴令師雄就逮臨洮宋兵至州人欲降師雄射宋

將權儀擒之宋兵退後從喀齊喀以兵攻河州有功

紀未載還過德順乞益兵以救之喀齊喀遂遣節度使

烏雅富埒赫

本傳率賓路人初從太祖伐遼勇聞軍中累官順義節度使從救德順改延安

平涼尹封任國公

將兵二萬與迪里合璘將大軍迎戰日暮

乃解璘聞講和率兵遁圍城凡四十餘日是役也押

軍明安富勒哈之功居多

攷異續綱目云璘遣姚仲

逢取熙河或久攻不下或既得復失竟無成功仲舍
鞏攻德順踰四旬不克以李師顏代遣子挺節制軍
馬挺與敵戰於瓦亭大敗之擒其千戶耶律糾堅等
百三十七人金人懲其敗悉兵趨德順璘親往督師
先壁於險且治夾河戰地按行諸屯斬不用命者先
以數百騎嘗敵敵銳卒空壁躍出突璘軍璘先得治
地無不一當百至暮璘忽傳呼某將戰不力人益奮
敵大敗遁入壁黎明師再出敵不動會大風雪金人
拔營去凡八日克其城璘還河池遣嚴忠取環州姚
仲等復蘭會熙鞏等州及永安軍繫年要錄云時興
州路得秦隴環原熙河蘭會洮州積石鎮戎德順軍
凡十二郡金州路得商號陝華州凡四郡獨北以重
兵扼鳳翔故散關之兵未得進宋史糾堅
作九斤通鑑輯覽永安作永興紀載各異
丁巳押軍萬戶費摩阿拉原作裴滿按刺攷異元會
唐括安禮傳大定十七年契丹叛人明安伊喇薩爾
後官汝州都巡檢亦名按刺另一人

拉原作移敗宋兵於華州時宋人驅率商州名屬西

漢屬宏農郡東漢屬京兆郡晉置上洛郡西魏兼置

洛州後周改商州唐後為上洛郡今縣五上洛商洛

仍舊宋因之金升為防禦隸陝州明初為號及華山

縣後升為州領鎮安洛南商南鎮陽四縣

拉欲堅壁守之薩爾拉曰宋兵雖多半是居民不習

戰不如擊之阿拉遂以騎兵千敗宋前鋒追至其大

軍亦敗斬首五千級 秋七月丁酉陝西都統璋敗

宋姚良輔軍於原州克其城攷異畢沅續通鑑七月

主將為姚仲坐繫河池獄繫年要錄云時統制鄭師

廉戰死統領以下官百一十員皆死姚仲猶推姚志

為奇功以捷報漢中府志云沔縣北五里有鐵山宋
宋隆興間姚仲置寨於此以禦金相近又有龜山宋

戍兵自寶雞以西至大蟲嶺皆自散關遁去璋復敗

吳璘於張義堡屬鎮戎軍攻異王存元豐九域志云在鎮戎軍西南五十里熙寧五年置

九月甲午朔喀齊喀敗吳璘於德順州攻異南宋書云八月宋統

制高師中與金人戰於摧沙堡死之九月金攻東山堡宋中軍將李庠戰死史均未載冬十

月壬辰華州防禦使富察世傑丹州刺史持嘉烏蘇

埒克敗宋兵於德順州璘時率兵號二十萬復據德

順取鞏州臨洮府少尹赫舍哩薩恰原作紇石烈鑿洽死之

喀齊喀使璋與實訥埒攻之連戰皆勝璘分兵守秦

州喀齊喀自駐水洛城東在涇州西南百里即德順軍攻異王存元豐九域志

云水洛城慶歷四年置在德順軍西
南一百里領王家一城石門一堡
分軍斷其餉道

璘乃引去璋等邀擊宋經畧荆臯自上八節至甘谷

城在通渭縣東五十里屬鞏昌府攷異王存元豐九

隴陽太甘吹藏殺數千人實訥埒擒宋將朱永等十

二人張安撫守德順亦棄城遁烏蘇埒克復擊敗之

擒將校十餘人遂復德順及秦州高景山定商號聶

赫取環州於是一十六府州皆復陝西平攷異延札

吳璘軍數十萬據秦隴們都為勇烈軍都總管領軍

討之宋人保據德順們都與璋策其必敗曰都監親

至敵必退矣喀齊喀領軍四萬來赴遂復德順明年

秦隴平授通遠軍節度慶陽都總管卒紀未載薛應

旂通鑑云時金以重兵扼鳳翔爭吳璘新復十三州

三軍璘亟馳德順以備之已而金蒲察世傑率師十

金史已耳下下

卷十一

二

萬來攻璘力戰拒之會史浩議棄三路詔璘班師遂
還河池所亡失者三萬三千部將數十人連營痛哭
聲震原野秦熙永三路新復州軍悉陷先是虞允文
疏爭罷知夔州既而還朝入對陳棄地利害帝曰此
史浩誤朕也改允文知太平見續綱目畢沅續通鑑
載於孝宗興隆元年正月即大定三年正月也世宗
紀又繫之三年四月所載各異李心傳朝野雜記云
乾道三年九月虞丞相入蜀宣撫使二庫見在錢引
八十九萬緡迨五年三月虞入朝是年拘收錢物赴
行在虞公之將沒也奏言拘籍到總領所積年歲用
瓜金錢七百九十餘萬緡合本司所積爲一千六百
二十餘萬緡迨宣撫使罷吳挺爲興州都統制利源
多爲所擅前後二十年財帛不勝計矣玉海云宋初
歲入緡錢千六百餘萬天禧末增至二千六百五十
餘萬緡嘉祐間又增至三千六百八十餘萬緡至熙
豐間行新法所入乃至六千餘萬元祐初除其苛急
尙四千八百餘萬南渡歲入不滿千萬逮洎熙末增
至六千五百三十餘萬宜民力之困而皇祐二年命
王堯臣等總較天下財賦出入之數皇祐元年歲入
一億二千六百二十五萬一千九百六十四兩所出

無餘爲書七卷上之熊克小紀云建炎初在京權貨
物鬻鹽鈔茶引而道路未通發運使梁揚祖請置司
眞州揚祖領之歲入六百萬緡子美之子也自中原
倣擾內外財賦吏毀其籍漫無可稽上獨委中書侍
郎張慤理財曉錢穀利害吏無敢欺趙開言自改修
茶鹽酒已壞之法歲有常息起建炎己酉至紹興癸
丑共繳錢一千五百餘萬緡兼陝西茶賦及陝西造
銅錢引計川錢又八百三十餘萬緡大約自川陝
屯兵歲用可計者糧一百六十餘萬石而對羅居其
半錢三千餘萬緡而鹽酒稅亦半之此其大畧也又
言紹興四年應酬吳玠軍須歲爲錢千九百
五十餘萬緡五年又增四百二十萬有奇

章宗泰和五年春三月乙丑宋兵入秦州界辛巳復

入鞏州來遠鎮

宋史地理志云舊爲來遠砦屬秦州後改爲鎮隸鞏州在甯遠縣西南三

里十謀言韓侂冑統兵鄂岳將謀北侵

宋史地理志云鄂州江夏郡武

昌軍縣七岳州巴陵郡岳陽軍縣四皆屬荆湖北路

攷異輿地廣記云鄂州二漢屬江夏郡吳分置武昌

軍晉宋兼置郢州梁分置北新州及上雋郡隋置鄂
州唐升武昌軍今縣七江夏崇陽武昌蒲圻咸甯通
城嘉魚岳州古三苗國地秦漢屬長沙郡晉立建昌
郡宋置巴陵郡隋改岳州又改羅州唐爲巴州復爲
巴陵郡今縣五巴陵華容平江臨湘沅江續通考云
唐初爲鄂州又改甯夏郡升武昌軍明爲府領興國
一州江夏嘉魚武昌蒲圻咸甯崇陽大冶通山通城
九縣岳州唐巴州後改今名宋爲岳陽軍明升爲府
領澧州一巴陵平江華容
石門慈利臨湘安鄉縣七
冬十一月宋吳曦擁眾
興元欲窺關隴改異薛應旂通鑑云甯宗嘉泰元年
州因譖罷副都統制王大節由是兵權悉歸於曦異
志遂成矣先是自紹興末王人出總蜀賦移謀宣司
勢鈞禮敵至侂冑以總計隸宣撫副使得節制按劾
利權亦歸於曦按嘉泰元年卽金泰和元年時吳挺
子曦官殿前副指揮賂宰相輔謀帥蜀何澹以賂未及
持不可澹罷奉祠遂用曦見續綱目迨四年春侂冑
定議伐金命曦練兵西蜀李心傳朝野雜記云先是
吳挺死光宗已屬疾不之信趙子直在樞筦用邱宗

卿楊嗣勳之議更遣張詔代之人服其遠識周密癸
辛雜志云曦由蜀入朝多買珍異孔雀四華亭鶴
十金魚比目魚等及作栗金臺蓋
遺陳自強者在今觀之皆不足道

六年春正月丙申宋吳曦遣兵圍穆舒隆原作抹堡

部將布希原作蒲鮮攷異畢沅續通鑑作富鮮長安擊走之斬其將宋

人入薩滿原作撒牟谷完顏果囉原作攔刺攷異畢沅續通鑑作固喇元會汾金

史攷證云卷六世宗紀大定六年完顏齊勤原作七斤

年宿直將軍斜卯攔刺另一人完顏齊勤原作七斤

馬鈴轄攷異畢沅續通鑑作齊錦汪輝祖金史同名

錄云卷一百三十三窩幹傳大定初猛安卷七世宗

紀大定十二年叛人卷十一章宗紀泰和元年右衛

將軍紇石烈氏卷十四宣宗紀貞祐三年右副元帥
蒲察氏卷十七哀宗紀正大名卷一百十六慶山奴傳正
卷一百一僕散端傳本名卷一百一十六割荆山傳天興
大八年近侍裴滿氏卷一百一十七粘割荆山傳天興
二年亳州亂人崔氏卷一百一十八苗道潤傳貞祐四

年降人獨吉氏十八人同名七斤

約宋將會境上被襲趙彥雄等七

人死焉果囉中流矢齊勤僅以身免 夏四月甲子

宋人入天水界乙丑入東柯谷部將劉鐸戰敗之丙

寅以完顏充爲陝西都統舒穆魯仲溫副之辛未吳

曦攻來遠鎮之蘭家嶺六月乙亥曦復攻鹽州

原郡

今爲寧夏後衛攻異輿地廣記云春秋戎狄地秦漢屬北地郡元魏立大興郡西魏改五原郡兼立西安

州後爲鹽州隋立鹽川郡唐爲鹽州後沒吐蕃縣二五原白池

完顏王喜

一作王善見完顏綱

傳敗之秋七月甲午吳曦兵五萬入秦州副都統承

裕等敗之時承裕與防禦使完顏璘屯成紀界

屬秦州

曦兵由保塋姑蘇等谷來襲承裕與璘擊走之追奔

四十里凡六戰宋人大敗斬首四千餘級降詔獎諭

曦別將入來遠鎮珠格高琪原作尤虎高琪攷異畢沅續通鑑作珠赫均果

勒破之八月辛未宋程松遣將曲昌世襲方山原白

率兵襲和尙原西山寨龍門等關克之富察貞遣副

統費摩阿里攷異汪輝祖金史同名錄云卷四十七食貨志大定二十年

時立愛傳太祖時撫諭西京卷十八哀宗天興二年

右副點檢溫敦氏卷八十濟南尹韓國公斜卯氏卷

九十三荆王守純傳興定時員外郎王氏卷一百三

元帥左都監蒲察氏卷一百八把胡魯傳元光元年

御史粘割氏卷一百二十道國公等分路伏兵擊破

之遂遣珠格哈達等出黃兒谷取和尙原鈕祜祿囊

嘉特等出大甯谷取西山寨貞由中路取龍門等關

大破之斬楊廷於陣諸路兵皆勝盡復故地九月甲

辰吳曦將馮興楊雄李珪等以步騎八千入秦州承

裕與璘等擊破之宋步兵保西山騎兵走赤谷承裕

遣唐古安塔哈率兵馳擊宋步兵敗之追奔至阜郊

城

在秦州西南三十里爲隴右要區

斬首二千明安巴恬努追殺宋

騎兵千人斬楊雄李珪於陣馮興僅以身免冬十一

月庚子完顏綱圍祐州降之徇下荔川閭川等城及

宕昌次大潭縣降之富察貞克天水及西和州進克

成州

宋史地理志云卽同谷郡縣二隸秦鳳路天水縣名屬秦州攷異輿地廣記云成州秦以前爲

白馬氏漢屬武都郡後爲楊氏所據封仇池公元魏置南秦州西魏改成州隋置漢陽郡唐復舊更名同

谷郡今縣二同谷栗亭岷州西魏置及同和郡隋屬
臨洮郡唐為岷州曰和政郡今為西和州縣三福川
大潭長道續通考云岷州宋收復祐川縣置治長道
縣之白石鎮改西和州屬利州路成州之克承裕傳
作成裕事
與紀異
十二月癸丑宋太尉昭信節度使四川

宣撫副使吳曦納款於完顏綱本傳原名元努由同

撫招降疊州羌酋青伊克諸部以降吳曦功擢宣撫

副使進左丞衛王立行省縉山兵敗為執中所害後

復官爵弟鼎努官參政攷異汪輝祖金史同名錄云

卷七十六永元傳本名官彰德節度卷一百三十三

張僅言傳幼名官勸并獻階州本唐武州號武都郡

農使三人同名元努并獻階州縣二攷異輿地廣記

云階州古白馬氏西戎別種漢武置武都郡後為楊

氏據元魏置武衛郡西魏置武州隋為武都郡唐後

沒吐蕃復置為行州後復故戊子完顏充攻下大散

地號階州今縣二福津將利

關遣烏鴉綽哈原作兀以兵趣鳳州即河池郡縣三

金史紀事本末卷十一 以兵趣鳳州攷異輿地廣記

云春秋北羌所居秦屬隴西郡漢屬武都郡晉爲楊
氏據元魏置道郡兼立南岐州西魏改道郡爲歸真
後周立鳳州隋爲河池郡唐因之今縣三梁泉河池
兩當續通考云鳳州唐置後升節度府宋爲團練州
明降城入焉綱承制立曦爲蜀王曦遣使奉表及蜀
爲縣城入焉綱承制立曦爲蜀王曦遣使奉表及蜀
地圖志吳氏譜牒來攷異薛應旂通鑑云開禧二年
曦副之松移司興元東軍三萬曦屯河池西軍六萬
仍聽節制財賦按劾計司曦益得自專松始至欲責
曦庭參禮及境而還松用東西軍千八百自衛曦抽
摘以去松不悟尋詔曦兼陝西河東安撫使知大安
軍安丙陳十可憂於松松開府漢中夜延丙議丙言
曦必悞國蓋丙嘗爲其父客素知曦松亦不省四月
曦與其從弟覲及徐景望趙富米脩之董鎮共爲反
謀陰遣其客姚淮源獻關外階成和鳳四州於金求
封蜀王十二月曦旣降按兵不進促胄日趣之乃僞
攻秦隴以堅其心金許封如康王故事綱進兵水洛
署曦族人吳端巡檢使報曦曦詐稱杖殺端而陰送
款金主賜詔誘降畧日以卿英偉之姿處危疑之地

必能深識天命洞見事機若按兵閉境不爲異同使
其師東下無西顧之憂則全蜀之地卿所素有當加
封冊更能順流東下則旌麾所指便以相付天日在
上朕不食言續綱目云及蒲察貞破和尚原犯西和
州賊將王喜等方力戰賊忽傳令退保黑谷軍遂潰
貞入成州賊因焚河池退屯青野原時興州都統制
母思守大散關金由板關谷繞出關後遂陷賊屯
置口綱遣張仔會之賊盡出告身付仔綱乃遣馬良
顯持詔書金印立爲蜀王還興州是夜天赤如血光
燭地如晝有兩日相摩翼日召幕屬諭意王翼楊駿
之抗言曰如此則相公忠孝八十年門戶一朝掃地
矣曦曰吾志已決卽遣任辛奉表及蜀地圖譜牒於
金金完顏綽哈攻鳳州程松自興元逃歸按畢沅續
通鑑張仔作張紆宋史全文作三月事曦遣姚淮源
獻地求封六月金封爲蜀王賜金印宋史方信孺傳
謂金誘降在三月金史本紀作十二月然金實先誘
降非曦先求封至金下詔則在六月綱設問久乃得
達耳至宋史甯宗紀十二月曦始自稱蜀王此據其
拒命之日其僭號則在明年也綱傳姚淮源作姚圓
任辛外尚有果州團練使郭澄所持表爲謝恩表誓

表及賀全蜀歸附表三道大金國志置口作置口方
輿紀要云置口成在鳳縣西南或云在洛陽北亦作
沮口鳳翔府志云置口在畧陽縣西北三
十里寶虹山下沿江迤西五里紀載各異

七年春二月癸酉遣珠格高琪等冊吳曦爲蜀國王

曦尋爲宋臣安丙所殺致異完顏綱傳事聞下詔責

完顏思忠招魂葬於水洛縣以其族兄吳端之子爲

曦後紀未書薛應旂通鑑云正月曦自稱蜀王遣將

利吉引金兵入鳳州付以四郡表鐵山爲界卽興州

爲行宮號興德府政元置百官遣董鎮至成都治宮

殿召隨軍轉運使安丙爲長史權行都省事先是從

事郎錢鞏之夢曦禱神祠神告以安子文足辦此事

鞏之告曦遂召用又召楊震仲不屈飲藥死陳咸白

髮其髮史次秦自替其目李道傳鄧性甫楊泰之悉

棄官去二月以楊輔爲四川制置使曦逐之初輔知

成都嘗言曦必反帝謂輔能誅曦密詔許便宜行事

安世通力勸舉義兵遷延不發曦移輔知遂寧府續

綱目云時監興州合江倉楊巨源謀討曦陰與曦將

張林朱邦衛義士朱福等深相結眉州程夢錫知之
告安丙乃延巨源至卧內因勸丙出主其事會興州
將李好義亦結李貴楊君玉李坤辰李彪等謀誅
二月乙亥丙等矯詔入偽宮好義與巨源前驅李貴
執曦誅之僭立凡四十一日推丙宣撫巨源參軍事
時金使猶未至也曦首至臨安梟之市三日詔誅其
妻子家屬徙嶺南奪父挺官遷祖璘子孫出蜀獨存
其廟祀玠子孫免連坐東南紀聞云曦未叛時獵夜
歸見月中人與己肖自念當貴卒被誅亦見岳珂程
史程史又云曦家素事梓潼自玠璘以來事必禱有
驗乃齋而請是夕夢神坐堂上己被赭玉謁焉因告
以逆且卜年之修永神不答第曰蜀土已悉付安丙
矣既寐大喜謂事必遂時安以隨軍潛成獲嘉之績
歸辭相印但以長史權知都省事踰月成獲嘉之績
羅大經鶴林玉露云安丙等矯詔誅逆曦其詞曰惟
干戈省厥躬朕既昧聖賢之戒雖犬馬識其主爾乃
甘夷虜之臣邦有常刑罪在不赦詞旨明白乃李好
義姊夫楊君玉筆也潘永因宋稗類抄云曦幼時父
挺問其志曦有不臣語父怒蹴之爐火中灼其面號
吳巴子李順與曦先後叛於蜀僭稱蜀王說者析順

字謂居川之旁一百八日析驥字謂三十八日我乃
被戈後均驗後安丙移帥長沙貪穢狼籍罷政捆載
而歸使蜀帥楊九鼎刻剝失軍心牙校莫簡殺九
鼎剖腹實金銀曰使其貪腹飫飽丙生擒莫簡剖心
祭九鼎再平蜀難李心傳朝野雜記云誅曦官賞自
王喜下凡四百二十八約共轉三十萬官資錫資不
計也歲增支總領所錢物七百八十萬緡而犒賞不
與焉時方信孺往河南議和既還僕散揆復使人論
之曰已奏朝廷更得安宣撫與西元帥一書乃善侂
冑以書遣安觀文論指安難之久乃作書如所云
且餉以藥物縑幣西帥啟緘却餽而令鳳翔都統使
完顏昱作書以來但言當聽命於行省而已周密齊
東野語云三年二月安丙與李好義楊巨源等誅曦
以巨源爲四川宣撫使丙副之六月丙殺巨源丙初
矯制自稱宣撫副使遂經入銜上奏時章良能直學
士院謂一時權宜則可奏功遂稱所假則不可朝廷
宜先罪而後賞時相不從竟以所矯官職授之宋
史丙廣安人贈少師諡忠定巨源字子淵益昌人

三月壬辰宋以破階州及西和州宣撫副使完顏綱

至鳳翔詔撤五州之兵分保要害綱召諸將還攻異

目云楊巨源李好義謂安丙曰曦死賊破膽矣關外

四川為蜀要害盡乘勢復取之不然必為後患丙然

之於是分遣好義復西和州張林李簡復成州劉昌

國復階州張翼復鳳州孫忠銳復大散關好義兵次

獨頭嶺會忠義及民兵夾擊金人死者蔽路七日

西和金將完顏欽道克其城欲乘勝取秦隴宣撫使

不許士氣大沮所載較詳又兩朝綱

目備要未載階州史未載鳳州稍異

夏四月富察

貞撤黃牛戍宋安丙乘之癸丑攻破散關鞏州鈴轄

烏雅愛實原作兀顏阿矢死之綱與貞合兵潛自昆谷西山

入復取散關斬宋將二人攻異完顏綱傳時詔降兵

按治會復取散關斬宋將張統領于團練捷聞釋不

問續綱目云曦既誅丙趣楊輔還成都詔拜宣撫使

丙副之兼知興州許奕為宣諭使改興州為沔州朝

廷察丙與輔異召輔赴關輔抵建康楊簡言其棄成

金史紀事本末卷十一

都不當召遂命知建康程松以罪竄澧州

五月丙申安丙遣李好義率步

騎三萬攻秦州圍阜角堡珠格高琪以兵赴之宋兵

列陣山谷以武車爲左右翼伏弩其下來逆戰既合

宋兵佯卻高琪軍覺不前退整陣宋兵復來凡五戰

宋兵益堅乃分騎爲二番更休迭戰遣將潛兵上山

自山馳下合擊大破之斬首四千級生擒數百人圍

乃解

政異宋史寧宗紀時楊巨源戰至長橋敗績兩朝綱目備要同蓋本安丙報疏史未載長橋兵

捷事續綱目云好義攻秦州爲高琪所敗師還議將

王喜毒之而卒朝廷慮喜爲變授節度使移荆鄂都

統制六月丙殺巨源初誅曦獎諭詔至興州巨源謂

人曰詔命一字不及巨源疑有以蔽其功者俄報王

喜授節鉞巨源通判心益不平乃愬功於朝或謂其

謀亂丙令鞠其黨皆抵罪會巨源兵敗長橋丙遣使

興元都統制彭輅收巨源械送閬州獄至大安龍尾
灘丙使將校樊世顯殺之聞者扼腕薛應旂通鑑云
喜遣其死黨劉昌國毒死好義後昌國白日見好義
持刃刺之驚怖撲地疽發背死按曦之誅本巨源好
義之力均爲丙所忌巨源則使其殺孫忠銳以罪歸
之命彭輅收付獄而樊世顯殺之好義號爲喜毒亦
丙所使也觀李心傳朝野雜記續陳均編年所載多
畧惟吳師道禮部集俞文豹吹劍錄具書本末足資
考證按朝野雜記云武興之亂時人記錄者有新舊
安西樓記安丙撰靖蜀編胡南仲撰楊巨源自叙書
上劉閣學者巨源事迹益昌人撰巨源傳李瑞撰李
好義誅曦本末復四州本末實入僞官人數皆李好
古自記好義行狀白子中撰平蜀實錄楊君玉撰切
齒錄任光旦撰固陵錄李季允撰毛氏寓錄毛方平
撰公議榜成都人撰佚爵錄趙公宅撰及者定錄長
沙板行海濱漁父記而士大夫之在新沔者又有編
錄辨沔等書最後西陲泰定錄盡爲採輯一從公論
云又大安軍志云龍門山東南去軍城十里又大安
軍有龍尾灘由鳳州入閬州之路宋開禧中四川帥
安丙殺楊巨源於此或曰卽龍尾坡也見劉於義陝

志西通 冬十月辛未陝西宣撫使圖克坦鎰遣副統

巴噶罕原作回海姓把只終彰化節度副使見完顏綱傳攷異汪輝祖金史同名錄云卷八十四

昂傳世宗初牌印祇候卷八十六獨吉義傳義祖卷八十七忠義傳大定初符寶祇候俱姓駝滿氏四人

同名及蘇嶺關都統雅爾貢原作押刺攷異鎰傳作沃呼伊囉幹宏簡錄作

葉祿拔鶻嶺關在興安州洵陽縣東北為金宋分界處攷異雍勝畧云在興安州東接上

瓦津縣界地極險要興安州志云在洵陽縣東北二百

五十里與秦嶺相連南屬宋北屬金均見劉於義陝

志西通 果囉別將攻破燕子關新道口巴噶罕取小湖

關敖倉至營口鎮破宋兵千人追至上津縣本平利縣地屬

金州見宋史斬首八百餘級遂取其城伊囉幹破宋

兵二千於平溪將趨金州以議和還師

八年春正月乙亥宋安丙遣兵襲鵲嶺關副統巴噶
罕等擊走之斬其將景統領二月乙巳宋參知政事
錢象祖遣王柟來以書上行省復請川陝關隘夏五
月丁未宋獻韓侂冑蘇師旦首詔以陝西關隘還之
攷異薛應旂通鑑繫
之嘉定元年六月

金史紀事本末卷十一

金史紀事本末卷十二

地封資政大夫 特賞內閣中書前江西峽江訓導萍鄉李有棠編集

劉豫之立

太宗天會六年冬十二月宋知濟南府劉豫以城叛

來降豫字彥游阜城人

漢書地理志阜城屬渤海郡宋時爲永靜軍隸河間府攷

異徐昌祚燕山叢錄云阜城縣南七里乃僞齊劉豫故宅至今人稱御莊宋宣和末仕爲

河北西路提刑徙浙西抵儀真縣名屬揚州府喪妻翟氏繼

值父憂康王至揚州樞密張焘字誠伯河間樂壽人薦知濟南

府攷異楊克弼僞豫傳云豫丁父憂以建炎二年起復除中奉大夫知濟南府李心傳謂豫以宣和六

年十二月自朝請大夫新判北京國子監除河北西路提刑以致仕召赴闕非丁憂起復所載各異是

金史紀事本末

卷十二

一

時山東盜賊滿野豫欲得江南一郡宰相不與忿忿而去攷異大金國志云豫世業農登元符中進士第言者詆之上疏辨不問累章言禮制忤旨出為兩浙察訪遂家真州高宗命張悅守濟南未行用張慤薦以豫代到郡嚴刑快私忿除父子容隱條犯者皆坐罪偽豫傳載謝表云孰云河朔村俗之人來領浙右廉訪之事議者謂其怨望之迹已見南宋書云徽宗斥為種田吏黜之避亂儀真畢沅續通鑑云張悅守濟南不行以鄧紹密代紹密留知興仁府乃達蘭原命豫往所載各異紹密後守壽春為范瓊殺達蘭作捷攻濟南驍將關勝屢出城拒戰豫殺之而降攷異國志云金圍濟南令郡倅張東往援尋解去捷懶遣人陷以利率東出通欵未載殺關勝事趙姓之遺史云時李成侵濟南豫求援於滄州劉錫會金兵先至豫謂滄州兵開門納之乃金人也遂降恐係傳聞之誤今從時宋建炎二年十二月也遂為京東淮南安

豫傳

時宋建炎二年十二月也遂為京東淮南安

撫使知東平府兼諸路馬步軍都總管節制河外諸

軍其子麟知濟南府達蘭屯兵衝要以鎮撫之王政吳

閒談劉齊王故事詩序陳教授說豫未貴時一日顧

見白龍見婦翁家大鏡中但無鱗與角耳後乃翁亦

見以女妻之及生二子以鱗角名之或謂二子長豫

當大貴果然元裕之詩云河邊殺獼尙能飛無角無

鱗自一齊大金國志云豫遣使說東京留守上官悟

悟焚書斬使以賂陷其左右喬思恭宋厚俾說悟反

悟殺之偽豫傳宋厚作宋愿史未載

八年秋九月戊申立劉豫為大齊皇帝世修子禮異

張滙節要作九月九日豫傳作五月繫年要錄作七

月時冊使為西京留守檢校太尉尙書右僕射大同

尹山西都部署廣陵郡開國公高慶裔禮部侍郎南

陽縣國侯韓昉按史無慶裔名附載之以備參攷

指珂程史載金冊豫文曰維天會八年歲次庚戌七

月辛丑朔二十有七日丁卯皇帝若日朕公於御物

不以天下爲己私職在牧民適知王者爲通器威罰
不遠乎授能適者有遼運屬顛危數窮
召漢元帝流毒下民太祖武元皇帝仗黃鉞而有
宋人元帝白虎而誓師旅妖氣既殄區宇大安爰有
卽從來議重念斯民久羅塗炭未獲昭蘇不委仁賢
孰能保定咨爾劉豫夙擅直言之譽素懷濟世之材
居於亂邦生不偶世百里雖智亦奚補於虞亡三仁
至高或願從於周仕當姦賊擾攘之際正愚氓去就
之閒舉郡來王奮然獨斷逮子歷試厥勳克成夫委
之安撫教化行任之尹牧獄訟理付之總戎盜賊息
專之節制郡國清况有定衰救亂之謀必挾拯變扶
危之策使民無事則橐弓力穡有役則釋耒荷戈罷
無名之征捐不急之務徵隱逸舉孝廉振紀綱修制
度省刑罰而去煩酷發倉廩而息螽螟神人以和上
下協應比下明詔詢考輿情列郡同辭一心仰在宜
卽歸仁之地以昭建業之元是用遣西京留守高慶
裔副使禮部侍郎知制誥韓昭備禮以璽繪寶冊命
爾爲皇帝國號大齊都於大名歲修子禮承貢虔誠
界爾封疆並從楚舊更須安集自相攸居爾其上體

天心下從人欲忠以藩王室信以保邦圻惟天難謹
惟命靡常謹厥德保厥位爾其勉哉勿忽朕命玉冊
皆以六十六方為制每方字兩行以金書之韓建都
昉作韓昭所載冊文最詳要錄謂冊文為昉筆建都
大名府號北京攷異畢沅續通鑑云初北京軍民聞
遂即位初康王既殺張邦昌自歸德赴揚州詔發兵
史未載南侵論曰俟宋平當拔立藩輔如邦昌故事及宋帝
航海宗弼北還議所立眾議折可求及豫皆可立豫
乞達蘭為求封遂僭位攷異大金國志云濟南有漁
祀之北京豫順門下生禾五穗同登為受命之符乃
使子麟齋重寶賂粘罕左右許之豫詭詞乞立張孝
純乃使問軍中所欲立進士張浚願立豫議遂決或
謂本叛臣張剛中獻策於高慶裔轉告粘罕非也大
抵慶裔欲歸功粘罕恐捷懶先之故力為贊成後酬
賄賂不可勝計麟猊輩有恩府門生之稱宋史謂豫

持重寶賂撻懶宏簡謂巨鱣長數十丈稍異洪邁夷
堅志云偽齊初受冊告天祝版誤書年號靖康又純
用趙野家廟器識者以爲不祥史均未載趙翼劄記
云豫受金冊爲齊帝時宗翰等議既爲藩輔奉表稱
臣則詔至當避正殿與使者抗禮太宗曰既爲鄰國
之君又爲大朝之子惟使至躬問起居及歸時有奏
則起立餘並行帝禮此置丞相以下官赦境內攷異
偽齊之儀注可考者錄載赦文畧曰自念風猷寡陋家世側微昔也鼎年
久林泉之是樂今焉晚節豈軒冕之爲心屢乞退聞
迄無成命常天造之草昧念王業之艱難恭受冊儀
尙循精而欲避勉膺位號若負刺之不遑雖非虞舜
之明揚幸無湯武之懋德云云豫傳未載還居東平曰東京汴州曰汴京
降宋南京爲歸德府張孝純等爲宰相弟益爲北京
留守子麟爲尙書左丞相諸路兵馬大總管宋待以
敵國禮孝純及鄭億年李鄴家人在宋者加意撫之

攷異朱勝非秀水閒居錄億年爲居中子母爲王仲
山親妹檜爲仲山壻檜子熺復娶億年女後歸朝檜
佐之除雜學之士後復資政殿學
士李光爭之不聽士論洵洵
攷異僞齊錄載攷元詔曰王者受命必建元以正始
近古以來仍給嘉號以與天下更新者今使命逼臨
促立別號以昭受命之元用新我齊人之耳目嘉與
諸夏共受天休其以十二月二十三日爲阜昌元年
據此則非明年母翟氏攷異南宋書作翟氏北盟會
攷元也今從史

傳爲皇太后妾錢氏爲皇后宣和內人也

攷異大金
國志云孝

純守尙書右丞相李孝揚權左丞張東權右丞鄭億

年工部侍郎王夔汴京留守以生景州守濟南節制

東平僭號大名起四郡雲從子弟凡六千人設翼衛

勳衛親衛六年合格出官滄州進士邢希載毛澄皆

上書請密通江南斬之宋史豫傳王夔作王瓊云傳

州判官劉長孺遺書勸反正囚之大索宋宗室承務

郎關琦匿之杖死招楚州趙立使爲所殺宏簡錄張

東作張東關琦作聞琦云召迪功郎王寵文林郎李

詰尉氏令姚邦基皆棄官去朝奉郎趙俊書甲子不
書僭年僞經畧折可求缺望殺之立陳東歐陽澈雙
廟於歸德舉沅續通鑑云封東安義侯澈全節侯進
士薛筇力勸豫歸宋幾見殺孝純救免史均未載熊
克小紀云薩里罕在雲中嘗因軍事召折可求語以
將廢豫而立可求意及後廢豫達蘭欲割河南地歸
宋薩里罕因燕可求置毒卒於路據此則可求又非
豫殺稍異周輝清波雜志云東死於應天府被逮作
家書區處後事其帖今在其外孫括蒼潘景夔家頃
年許右丞翰爲作哀辭具著本末少陽初不識李公
李念伯仁由我而死祀之家時上書被行遣者歐陽
徹高宗臨朝嘗曰朕卽位聽用非人至今痛恨各加
贈秘閣修撰賜官田二頃尋令鎮江府致祭徹於靖
康初金犯闕請質二子二女而使寄廬御親王歸不
報死時年三十三又進士徐暉乞借官入金奉親王
歸詔假通直郎往使卒無聞羅六經鶴林玉露云時
與陳東陳六賊之罪且言金不可和狀尙有津浦高
登字彥先紹興間對策鯁直擬降文學高宗擢爲
江府古縣令時檜當國父嘗宰是邑胡舜陟欲爲立
祠登不從逮繫訊掠無罪狀校文潮陽出則將焉用

彼相賦檜怒謂附鼎削籍流容州死焉又吳元美三
山文士作夏二子賦議檜立潛光亭商隱堂怨家告
檜日亭號潛光蓋有心於黨李堂名商隱本冬十月
無意於事素亦削籍流容州死均立祠學宮

乙亥豫遣使謝封冊

使馮長寧叛降為工部侍郎薛

應旂通鑑云是年金迫朱弁仕豫誓不為屈復迫洪
皓亦不屈流冷山時尹惇居商州豫遣偽帥趙斌禮
聘不從恐以兵奔閬州史未載沈必先日記云奏事
殿中高宗言近有人自東京逃歸聞張九成見為劉
豫用事可怪必先對曰九成在其鄉里臨安府鹽官
縣寄居去行闕無百里上云如此則所傳妄矣便與
一差遣召來蓋子韶廷試策流播偽齊人十一月庚
悉調誦故傳疑焉翼日降旨除秘書郎

戊以遙鎮節度使烏克新

原作烏

等為豫生日使

攻

范拱傳字清叔濟南人宋末第進士調廣濟軍曹權
邦彥辟為記室攝學事劉豫鎮東平拱撰謁廟文豫
奇之因獻六箴齊國建擢中書舍人上初政錄十五
篇不能用進左丞兼門下侍郎豫以什一為稅其實
金史已真本下

夏斂而刑法嚴急吏緣爲姦民益窮困境內苦之時
丞相考純拱兄侍郎異極言其弊不從異坐貶拱力
言尋改爲五等稅民猶以爲重也豫廢宗弼用拱言
減舊三分之一大定中爲太常卿卒官李上達傳仕
齊爲吏部員外郎攝戶部事公私苦什一之法上達
論其弊豫改定五等之制卒官山東西路轉運使字
達道濟陰人熊克小紀云初侍郎馮長寧與御史許
伯通同定十一稅法與阜昌敕令敕式皆成二法並
行文意相妨者從稅法謂宋之稅法爲民大害權豪
交通州縣而欺愚弱入田宅不承其稅間有陳詞官
吏附勢不爲推割產已盡而稅猶在監銅拘囚死而
後已官擁逃戶之稅使邑里代輸又方田高下土色
不實朝行寬恤之詔暮下割剝之令故民窮
起而爲盜大抵皆吠堯之言也豫傳均未載

九年春正月己亥朔劉豫遣使來賀冬十月戊寅豫

遣使賀天清節十一月己未以陝西地賜豫從郭昌

所受封界故也

政異豫傳繫之阜昌二年壬子即天會十年與太宗紀異繫年要錄云是

歲為紹興元年辛亥即金天會九年乃劉豫之阜昌
二年又異今從紀熊克小紀云紹興元年五月真揚
鎮撫使郭仲威擅補官與劉豫通和劉光世遣王德
渡江誘擒之詔斬於平江府餘將佐非同謀者皆釋
之時李成既敗其謀主李璣為張俊擒成勢益蹙將
殘黨遁居順昌詔淮蔡二郡掩殺成遂奔偽齊餘眾
趙瑞等降宋史豫傳云時豫置招受司於宿州誘宋
連逃十月遣王世冲冠廬州鎮撫使王亨誘斬之六
破其眾
史未載

十年春正月癸巳朔劉豫遣使來賀己亥復表謝賜

地

攷異繫年要錄云是秋偽齊分野長星見史未載

冬十月壬寅豫遣使賀

天清節尋遣使來告母喪十一月癸亥以武良謨為

豫弔祭使

攷異大金國志云阜昌二年豫母卒諡慈獻葬東平所揭皆田家衣儀仗同朝廷禮

封子麟梁國公張昂權右丞相益守汴京李傳知龔慶府本傳均未載

是年四月遷

都於汴 攷異大金國志云是年十二月遷於汴而本傳請

阜昌二年乃紹興二年也與宋史合今從本傳續通

考云豫偽諡祖為毅文皇帝號徽祖偽諡父為睿文

皇帝號衍祖宋史豫傳云豫徙汴尊其祖考為帝置

於宋太廟是日暴風捲旂屋瓦皆震士民大懼麟籍

鄉兵十餘萬為太子府軍賦斂煩苛民不聊生先是

襄陽桑仲請正豫罪命節制軍馬復所陷州郡詔河

南翟興荆南解潛金房王彥德安陳規斬黃孔彥舟

廬壽王亨相為應援未幾仲為霍明殺興進屯伊陽

山豫陷以王爵焚書斬使麾下楊偉受豫金殺興持

首降十二月李橫敗豫兵陽石趨汝州偽守彭現以

城降趙姓之遺史云豫使蔣頤說興降被殺因約楊

偉為內應舉兵攻興力戰死張滙節要云偉先降豫

引賊由間道襲興營力戰遇害贈保信節度熊克小

紀云富汴人震懼時豫曲赦以安之因與民約曰今

後更不肆赦及不用宦官不度僧道文武雜用不限

資格又云紹興二年二月知壽春府陳辨始貳於豫

並用紹興阜昌年號知濠州寇宏本盜與偽宿州守

胡彬通至是葉夢得遣使撫之皆聽命會豫遣其將

王彥充攻壽春爲辨所敗宏遂與彬絕辨復固始縣
宏招納吳青等二千餘人會豫衆復犯二州夢得命
王冠等往援遂復光州前尚書郎乾封李亘建炎末
避地不及爲豫用使留守北京謀歸本朝豫族誅之
彥舟初隸權邦彥麾下因事叛去至是爲簽樞彥舟
不自安又聞韓世忠已破羣盜順流下益有異志詢
於幕官王玠阻之南宋書云六月彥舟叛降豫宏簡
錄云董先以商號二州附豫續綱目云韓世忠敗劉
忠於蘄陽忠走降豫僞豫傳時劉從善爲河南淘沙
官谷俊爲汴京淘沙官兩京塚墓發掘殆盡繫年要
錄云豫因李英賣注梔疑非人間物驗治得實始置
淘沙官薛應旂通鑑云王彥敗豫將郭振於白石鎮
復秦州史均未載彥舟字
巨濟州林慮人見本傳

十一年春正月丁巳朔劉豫遣使來賀冬十月丙申

豫復遣使來賀天清節

攷異續綱目云正月李橫屢敗豫兵復潁昌府僞安撫趙

弼遁以橫爲襄陽鄧隨鄧宣撫使三月橫傳檄復東京與金將戰於牟駝岡敗績潁昌復陷四月豫將董

金史記事本末

卷十二

七

震以虢州來歸李成復寇陷之會議和禁諸路侵齊
及招納淮北與中原人來歸者八月翟琮棄軍奔襄
陽豫陷伊陽盡有梁衛地十月成寇襄鄧橫奔荆南
成遂陷京西六郡宏簡錄云橫破潁順軍降偽守蘭
和敗長葛兵南宋書潁順作順昌蘭和作蘭和畢沅
續通鑑云潁昌破譚世則遇害四月號州陷成欲降
謝皋指腹示曰此吾赤心也自剖其心死七月河南
鎮撫使翟琮因豫據梁衛地孤軍不能獨立奔襄陽
豫遂得伊陽興子也繫年要錄云琮初入西京偽留
守孟邦雄方醉卧俘其族歸九月統領吳勝敗偽齊
兵於黃堆寨追殺無遺還至臘家城彭展戰死賀吉
自殺皆贈官宋史豫傳云五月知壽春府羅興叛降
豫通鑑輯覽云二月李吉敗豫將梁進於伊陽臺殪
之三月金兀朮來援豫亦遣成道戰牟駝岡橫敗潁
昌陷王海載李橫檄文曰偽齊僭號自速剪夷國運
中與王師已進西壓淮泗東接海沂驛騎交馳羽書
迭至我則兼收南陽智謀之士提大河忠孝之人仗
義以行乘時而動又曰金商之士兵出其先荆湖之師
繼其後若能納款則悉仍舊貫執迷不悟則後悔難
追熊克小紀云橫約信陽鎮撫使牛皋復潁昌府及

汝州葉縣七月金齊兵復犯襄陽橫棄城遁敵隨至
隨郢遠近震懼橫欲奔荆南鄂帥鈞洪道拒之其屬
趙去疾聞大鈞等勸往江西趙鼎適遣米船至衆遂
安董先牛皋率兵先至洪州橫繼至鼎遣人迎犒橫
大喜鼎遣赴闕既至爲桑仲訴冤下霍明於獄竟薄
其罪後琮亦歸朝授江東鈐轄其衆多隸諸軍紀載
各異豫傳
均未書
是年宋閤門宣贊舍人徐文來奔初元

帥府使蕭慶如沐議南侵事豫報曰宋軍帥韓世忠

屯潤州劉光世屯江甯今舉大兵欲往采石方輿紀要云山

名一日采石圻在太渡江而光世拒守若抵揚州則

世忠必聚海船截瓜洲渡方輿紀要云唐初京口江

洲只潤十八里明嘉靖時僅濶若輕兵直趨采石彼

七八里又有談家洲橫列其中未有備我必竟渡江矣光世海船亦在潤州世忠必

先取之二將由此必不和以此逼宋帝其可也至是

文將大小船六十隻軍七百來奔至密州界中率將

佐至汴攷異續綱目云四月水軍都統制徐文以眾

刀以功領淮東浙西沿海水軍諸將忌之譖其將叛

遣兵襲之遂以海舟六十艘官軍四千餘自明州浮

海抵鹽城附豫謂二浙可襲豫喜命知萊州冠通泰

州南宋書文宇彥武膠水人少為商應募從軍紹興

二年立御前忠銳軍凡七將其一也閭畢譖其謀叛

遂降豫北盟會編云初徐聚徐文在東海縣有舟船

數百聚為李彥先害文下海據靈山寺受招安拜武

經大夫及邵青寇明州命文備之紹興三年五月文

欲作亂命朱師閔往襲泛海附豫繫年要錄云文至

定海為武德郎趙琦拒制置仇愈追之不及坐貶官

畢沅續通鑑云初與文起事者李齊范溫嗣同歸宋

者宋穩宋史豫傳云文復寇通泰及南侵効力居多

玉海云建炎元年六月置水軍以習水戰號樓船軍

凌波軍從李綱請也三年正月呂頤浩請令江淮習

水戰而飛虎戰船始於王彥恢戈船始於方滋海鯨
船則允文用之多槳飛江船則郭剛造之紹興二年
五月密院言據探報敵人分屯淮陽軍海州竊慮以
輕舟南來震驚江浙緣蘇洋之南海道通快徑趨浙
江詔兩浙路帥司速遣官相度控扼次第圖本聞奏
中丞沈與求言海州自京東入浙必由秦州石港通
州料角陳貼通明鎮等處次至平江南北洋次至秀
州金山次至明州向頭又聞料角水勢湍險儻於石
港料角等處拘收水手優給庸直以待緩急彼亦安
能衝突七月呂頤浩言近置沿海制置司最為得策
然虞舟從大海北來拋洋直至定海此浙東路也自
通州入料角放洋至青龍港又沿流至金山海鹽縣
直泊臨安府江岸此浙西路也望令仇愈專管
淮東浙西別除一員專管浙東福建路從之
豫與

元帥府書曰文言宋帝在杭州其候潮門外錢塘江

方輿紀要云江源有三一出徽州黟山曰新安江一
出金華大盆山曰東陽江一出衢州百際嶺曰信安
江流至嚴州府城東南二里合經杭州城南謂之錢
塘江又異續通考云浙江在府城西三里出歙縣王

山經建德合婺溪過富春爲浙江入海江口有山居
江中潮水投山下折而曲因名浙江其上游曰富春
江又云錢塘在府城南唐元和志邑境偏近江流功
曹華信議立垵以防海水募能致土石一斛與千錢
旬月塘遂成因號錢塘潛說友咸淳臨安志云浙江
在郡之東南東漢郡國志會稽郡有浙江注引郭璞
所注山海經云出歙縣玉山又丹陽郡歙縣注引山
海經云三天子都在閩西海北郭璞曰在縣東謂之
玉山其水過今建德合婺溪至富春爲浙江入於海
廣喜志林云今錢塘江口浙江正居江中潮水投山
下折而曲一云江有反濤水勢折歸故云浙江史記
云水至會稽山陰爲浙江盧肇曰浙者折也蓋取其
潮出海屈折而倒流也一名潮河山海經云禹治水
至於潮河莊周亦曰潮河之水每日晝夜潮再上常
以月十日二十五日最小
月三日十七日最大云
於此上船別有河入越州向明州定海口達昌國縣
其縣在海中爲聚船積糧處今大軍可先往昌國取

船糧還趨明州奪御船抵錢塘江今自密州上船風

順可五日至昌國遲亦半月可至攷異宋史紀事本末云是年金遣李

永壽等來請畫江益豫學士綦宗禮言永壽從豫所

來謀必出豫請嚴備宏簡錄云吳仲請乘敵使在廷

一戰擒之畢沉續通鑑云初偽齊侍御史盧載陽陳

結南夷擾川廣之策豫遣通判傅維永及進士宋國

等五十餘人冊封交趾李陽煥為廣王且結諸奚洞

酋長金亦使毛都魯者二十餘人偕行繫年要錄金

使作穆都哩史均未載

十二年春正月辛亥朔劉豫遣使來賀攷異熊克小

年三月初偽宿遷令張澤率其邑二千餘人自拔來

歸泗州守徐宗誠受之韓世忠以聞徐俯欲斬澤送

首劉豫趙鼎力爭用常同言釋宗誠罪命澤以官且

給閒田處其眾於淮西六月岳飛進次襄陽率統制

王貴等自鄂渚往與金齊兵遇大破之遂復襄陽及

隨郢諸州分遣張顯等進拔鄧州軍聲大振史未載

金史紀事本末卷十二

冬十月庚寅豫復遣使來賀天清節初宗弼自江南

還宗翰將入朝再議南侵事宗翰堅執以爲可宗弼

曰江南卑溼今士馬困憊糧儲未豐足恐無成功宗

翰曰都監務倫安爾

攷異大金國志云豫乞師金主召諸將議粘罕兀室以爲難窩

哩盟以爲可於是窩里盟撻懶權左右副元帥以行粘罕遂失兵柄時兀朮無一言因使將前軍宏簡錄

同豫使爲僞樞密盧偉畢沅續通鑑及豫以書報而作盧偉卿均與本傳異今從本傳

睿宗

即宗

亦不肯用豫策使達蘭帥師至瓜洲而還

攷異趙姓之遺史云岳飛遣軍校王大節招李成因詐降劉麟說其侵蜀不聽決計犯淮甸及歸飛奏聞召見請爲防江之備授閤門祇候熊克小紀載劉豫書畧云朕受命數年治頗有敘永惟吳越巴蜀江湖嶺海皆元議一統之地爭念生民久困不忍用兵故爲請於大金欲割地封之使永保趙氏之祀豈圖蔑

棄大德乃敢僞遣使聘密國吞噬先却汝穎次掠襄
鄧至有收復燕雲之謀是用遣皇子麟領東南行省
尙書令會大金元帥大軍直搗僭壘務使六合混一
其吹堯之辭悖逆如此畢沅續通鑑云七月豫聞飛
復襄鄧求援於金九月金遣宗輔等調兵五萬豫亦
遣子麟姪求援會兵南侵騎兵自泗攻滁步兵自楚
承帝相趙鼎議親征十月世忠進屯揚州適魏良臣
出使給以退屯守江復向大儀勒兵設伏良臣至金
營以所見告聶琦其將托卜嘉別將董敗又破之於
發金軍亂遂敗擒其將托卜嘉別將董敗又破之於
鴉口橋擒四十餘人統制解元敗之於承州北門擒
一一百四十八人宋史紀事本末作聶兒字董董敗作
董攸云擒撻不野二史紀事本末作聶兒字董董敗作
甚衆論者謂中與武功第一趙雄撰世忠碑托卜嘉
作撻李耶汪伯彥日歷作闖亭也繫年要錄云時金
陷涼州冠宏遁國奉鄉被殺將官丁成楊熙丁元皆
死攻楚州李東遇害悉贈官薛應旂通鑑云十一月
帝次平江下詔暴豫罪以張浚知樞密視師十二月
金齊合兵圍廬州守臣仇念求救飛遣牛皋徐夔援
之擊破金兵死者不可勝計良臣還金索銀絹千萬

復約再使侍御史魏竑請罷講和二字以攻守代之
遂不遣金撻懶屯泗州元朮屯竹塾鎮爲世忠所扼
書約戰世忠遣王愈及兩人以橘茗報之且言張浚
將至元朮色變又餽道不通聞主疾篤夜引還麟等
棄輜重遁北盟會編云十二月王進薄金人於淮執
其酋程師回張延壽皆名將也史均未載大金國志
云金兵屢敗宵遁麟還定遠一日夜馳二百四十里
始入宿州北方大恐軍多散亡載於阜昌六年乃天
會十三年與史異趙彥衛雲麓漫鈔云紹興甲寅乙
卯劉麟導金南侵時車駕駐平江策士趙九齡請決
淮西水以灌金營朝廷不能用已而韓世忠得戎首
約戰書曰聞江南欲決淮西水以浸吾軍書到之明
日敵實退師當時但以爲却敵之功殊不知九齡之
力居多熊克小紀載宋帝親征詔曰朕以兩宮萬里
一別九年覲迎鑾輅之還期盡庭闈之奉卑辭厚幣
遣使請和比得敵疆之情稍有休兵之議而逆豫懼
禍及身造爲事端間謀和好信逆離之狂悖率羣偷
而陸梁警奏旣聞神人共憤誓挺身而効死不與敵
以俱生今朕此行士氣百倍殪彼逆黨成此雋功咨
爾六軍咸知聖意乃麟遁歸率僞官上言畧曰以中

表強弱之勢何啻得百二之利故自古王者
居其越之會計其強者能自保一隅有
不道則中原
之兵已進而墟其國者非一也豫以其言曉示僞境
又云時劉光世屯馬家渡俊軍采石世忠退保鎮江
各持私隙莫肯協心帝遣魏玘田如鼂和解之玘至
光世營勸貽書二帥
始復書交致其情焉

十三年

熙宗亶即位不改元

春正月癸酉遣使告哀於劉豫仍

詔自今稱臣勿稱子并定朝賀賜宴朝辭儀

攷異大金國志

云七月毀明堂是日天地晦冥八月麟出獵陳留義
黨百餘欲擒以南歸事覺被殺以劉復知濟南觀知
淮甯軍張東卒時豫遣人持海道圖來獻金大起燕
雲四十萬人於蔚州造戰船於雄州之北虎州謀由
海入侵百姓大困盜賊蜂起事中報宋史豫傳云正
月郭瓊復光州降僞守許約閏二月僞將商元政信
陽軍舒繼明死之八月復陷光州十月令民鬻子依
商稅法取其算北盟會編云九月華旺克光州十月

齊冠漣水軍呼延通擊敗之豫毀景靈東西宮碎眞宗玉石像爲二十八段開聖佛像鼻軀三日百姓聳觀本傳多未載熊克小紀云豫毀明堂得金龍之金四百兩大銅錢三百萬

十四年秋八月癸亥詔齊國與本朝軍民訴訟相關

者文移署年止用天會改異薛應旂通鑑云二月韓世忠聞劉豫聚兵淮陽卽引

軍渡淮傍符離西北至其城下爲賊圍奮戈潰圍而出不遺一鏃呼延通與金將牙合孛堇戰擒之乘勝

掩擊金人敗去遂圍淮陽兀朮與劉猗皆來救世忠

求援於張俊不赴世忠臨陣遣人語敵曰錦衣驄馬

立陣前者韓相公也敵至殺其導戰者等引去世忠

還楚州從者萬計四月劉豫陷唐州七月劉光世復

壽春八月岳飛遣王貴等下虢州牛皋復鎮汝軍擒

薛亨揚再興復長水縣進克蔡州時飛檄豫畧曰契

勘僞齊僭號竊據汴都舊秦台臣屢業任使是宜執

節效死圖報國恩乃敢背棄君父無天兩行以神

涵養之澤翻爲仇怨率華夏禮義之俗甘事腥羶紫

色餘分擬亂正統想其面只何以臨人方且妄圖襄

漢之行欲窺川蜀之路專犯不韙自速誅夷云云宋
史紀事本末云豫聞張浚會師告急於金蒲盧虎謂
不可許遣兀朮提兵黎陽以觀釁豫簽兵三十萬分
兵三道麟由壽春犯合肥爲中路猊出渦口犯定遠
爲東路孔彥舟李成由光州犯六安爲西路浚命諸
將分道禦之有渡江者斬猊至淮東爲世忠扼犯定
遠楊沂中遇於越家坊敗之改趨合肥與麟合至藕
垞沂中率吳錫張宗顏等腹背夾擊大敗之張浚復
破之於李張灣僵屍滿野猊與數騎遁麟在順昌拔
寨去彥舟亦解光州圍回北方大恐金始有廢豫意
大金國志云是役失車七千兩船七百隻器械無算
廢猊爲庶人免劉復官僞豫傳軍始行知臨汝軍宋
善以後期斬繼斬使臣趙倚曰已去趙宋矣玉海云
時張浚在采石上賜手詔遣內侍賜浚端石硯筆墨
刀劍犀甲且召浚還勞之曰卻敵卿之功也宏簡錄
云六月豫棗劉龍城以窺淮西王師晟破之執華知
岡俘其衆而還畢沅續通鑑云是春豫再開貢舉得
邵世等六十九人改明堂基爲講武殿於其地造戰
船四月豫將王威陷唐州扈舉臣張從之皆死八月
僞相張孝純遣薛筇問道上書言利害且請分兵守

京西諸州繫年要錄及偽齊錄均載其書不見
宋史豫傳亦未載又小紀邵世作邵世矩稍異

十五年春正月癸亥朔劉豫遣使來賀己卯豫復遣

使賀萬壽節 夏六月庚戌尙書左丞高慶裔等誅

秋七月辛巳宗翰卒

攷異薛應旂通鑑云四月淮西劉光世引疾乞解兵柄罷奉朝

請岳飛自鄂入見拜太尉宣撫使數論恢復之畧帝日中興之事一以委卿爲檜忌與張浚議淮西事復不合飛因乞終制步歸廬山命張宗元監其軍遂以王德爲淮西都統制鄭瓊副之聞不協召德還命呂祉往諭諸軍祉奏罷瓊兵柄靳賽書吏漏語於瓊瓊遮得其書遂殺祉及統制張璟劉永衡鈐轄喬仲福皆死率兵四萬渡淮叛降豫時有得祉括髮之帛歸吳中者祉妻吳氏持帛自縊以殉葬聞者哀之劉錡吳錫追之不及而還祉字安老建陽人宣和初上舍厯官有聲又云浚悔不用飛言及聞報色不變日此有說第恐虞覺耳爲蠟書遺瓊言事可成成之否則全軍歸敵得書疑瓊分其衆困苦之邊賴少安熊克

小紀云飛解兵柄召入覲薛弼移書勸其行至是飛
偕弼入奏事飛手書儲貳事風吹紙動飛聲戰讀不
能句飛退弼進上視之色動弼曰臣在道見其習寫
細字乃作此奏雖其子弟無知者朱勝非秀水聞居
錄云飛下殿面如死灰弼進上曰適亡正資善名朕
諭以卿雖忠然握重兵於外此事非所當與也命弼
出開諭之周密齊東野語云浚嘗督師陞辭與高宗
約曰臣當先驅清道望陛下六龍只駕約至汴京作
上元飛聞之曰相公得非睡語乎浚憾之終身大金
國志云飛聞之曰相公得非睡語乎浚憾之終身大金
金乞師北盟會編云同叛者尙有王世忠靳寶趙世
臣王師晨被殺者尙有邢支初浚欲改淮西軍政參
政張守諫不聽及敗坐落職宗元懼請斬浚士論惡
之尋罷繫年要錄云時詹至張燾葉夢得王縉均以
爲不可弗聽鄭克撰祉行狀云社密以利害聞奏不
可易將分軍與諸書異趙鼎逸事謂浚用韓璉爲淮
南漕璉嘗倖建康光世不以禮待之又爲其屬劉觀
所辱積此二忿故力建議罷其軍以社代書吏爲朱
照漏言南宋書同社死者作張景趙康直時知廬州
者爲趙康國亦死見洪邁夷堅志小紀又云執社及

盧之新舊二帥趙康直趙不羣皆北去社中途被害
統制尙宗元持其首去瓊以全軍七萬人降豫豫遣
韓元英乞師於金不許使李師雄將兵納瓊七萬一
作三萬張迺不從遂歸朝轉一官劉永衡作劉永史
王潛張守趙令矜上欲竄浚周秘石公揆李誼奏留者
州又趙鼎亭實四萬人作五萬人浚使張俊宣撫淮
西楊沂中爲制置分其兵齊東野語又云時臺諫交
章劾浚而司諫則謂罪在劉光世張守力求末減郎
官趙令裕乞留浚陳公輔謂不可因將帥而罷宰相
卒坐落職尋詔安置嶺表因鼎救分司西京出言官
於外宋敏求春明退朝錄云紹興二十年浚復上疏
論兵高宗謂其生事遂有永州之命王明清揮塵錄
云淮西軍叛後馮楫勸復用浚收後效高宗正色曰
朕甯至覆國不用此人遂終高宗朝不復再用瓊本
傳字國寶臨津人仕宋官武泰軍承宣使叛降齊知
拱州齊廢入金厯泰甯節度遷歸德尹卒官嘗語同
列曰瓊從南伐每見元帥親冒鋒鏑宜其所向無前
江南諸帥每身居數百里外謂之偏裨小捷則增加
以虛文謂之調發制敵決勝委之偏裨小捷則增加

俘級以爲功而又國政不綱濫賞弛罰不亡已爲天
幸何能振起耶時謂確論子權字元與以門資召爲
著作郎有坡軒集冬十月乙卯以達蘭爲左副元帥
行世見中州集

宗弼爲右副元帥十一月丙午廢齊國降封劉豫爲

蜀王置行臺尙書省於汴

攷異宋史紀事本末云初豫由粘沒喝高慶裔得立

故奉之特厚兀朮以下多憾之會粘沒喝死岳飛遣
間持蠟書與豫約誅兀朮爲所得馳白金主廢計遂
決豫請立麟爲太子不許且日乞援乃建元帥府於
太原令豫兵悉聽節制以束拔撻不野爲左右都監
成諸郡尙書省奏豫治國無狀令撻懶兀朮襲之先
召麟議事至武城擒之抵汴豫方射講武殿兀朮笑
入執其手偕至宣德門强乘以羸馬露刃夾之囚於
金明池翌日宣詔廢之畧曰朕丕席洪休光宅諸夏
將俾內外悉登承平故自濁河之南割爲鄰壤之界
灼見先帝舉合大公罪在過征固不貪其土地從其
變置庶共撫其生靈建爾一邦逮茲入稔尙勤兵戍
安用國爲寧負爾君無滋民患已降帝號別膺王封

咎有所歸餘皆罔治將大革於弊政用一陶於新風
勿謂奪蹊田之牛其罰則甚不能爲託子之友非棄
而何凡爾臣工當體至意乃宣言自今不簽汝爲軍
不取免行錢爲汝敲殺親事人請汝舊主少帝來人
心稍安繫年要錄束拔作布爾噶蘇畢沅續通鑑云
時王倫見達蘭宗弼於涿州言劉豫營私結怨必負
上國頗納其言浚行狀云嘗使人以手榜誘豫畧曰
如能誘致使之疲弊精兵健馬漸次消磨茲報國之
良圖亦爲臣之後效金見此榜亦疑之十將傳岳飛
獲金謀佯以爲已所遣軍士責以約劉豫共擒烏珠
謀歸豫遂廢趙鼎事實云鼎欲使張俊出不意趣壽
春取其城措置已定會金廢豫乃止又遣謀者散布
兩淮誘其守將由是諸郡降者相繼得精兵萬餘西
馬數千匹潘永因宋稗類抄云劉豫嘗揭榜山東妄
言御茶馮益遣人收買飛鴿因有不遜語知泗州劉
綱奏之張浚請誅益以釋謗因鼎言出之浙東金宋
二史多以張孝純權行臺左丞相以胡沙虎爲留守
未載李儔副之畢沅續通鑑云蕭保壽努爲右丞相溫敦
師中爲左丞張通古爲右丞林泉野記云後宋得河

南地招孝純來歸不應請於元尤歸徐州致仕卒子
穎建炎中爲守臣熊克小紀云金以孝純爲豫僞相
送歸鄉宇文虛中贈詩曰閭里共驚新白髮兒孫將
整舊斑衣元好問中州集云字永錫滕陽人諡安簡
致仕時二兄尙健在鄉人爲作三老圖子名公藥字
元石以蔭入仕官鄆城令昌武節度副使詩號竹堂
集寒食云一百五日寒食節二十四番花信風孫觀
字彥國世爲文章家曾孫厚之字茂宏承安二年進
士時武功杜佺字真卿宋末以詩名關中阜昌中登
科蒞官有聲其過馬嵬詩云垂柳陰陰水拍堤春晴
茅屋燕爭泥海棠正好東風惡狼籍殘
紅送馬蹄道陵第爲高等有舒溪集
詔除豫弊政

人情大悅遷豫家屬於臨潢府

攷異薛應旂通鑑云

懶曰昔趙氏少帝出京百姓燃頂蒸臂號泣今汝廢
無一人憐者何不責耶豫語塞大金國志云豫弟
益守陝遣撒离喝擒之時得錢九千八百七十餘萬
緡絹二百七十餘萬匹金一百二十餘萬兩銀一千
六百餘萬兩糧九千萬石方州不在此數立九年宮
嬪百妊身者九麟婢百二十人進女獻妻得官者多

北盟會編云如高立之宋緝廉公謹侯湜皆是百姓
日納官錢內庭種菜出賣禁隱語若云南頭去及衣
稍鮮麗均斬宏簡錄云時數見變異梟鳴後苑龍撼
宣德門漢宣德二字爲豫傳梟數千鳴南庭皆作休
也之聲命捕一梟者賞千錢畢沅續通鑑云豫初作
楮幣自一千至百千皆題其末日過八年不准行用
其兆已見星隕平原鎮賁百祥謂禍在百日內勸修
德以禳被殺本傳均未載熊克小紀云金初立豫深
有悔割山東之意故達蘭屢畫山東河北圖以獻晟
不從及達蘭專權遂謀山東諸將謂不若廢豫以取
之議遂決洪邁夷堅志云紹興三年劉子羽知興元
府祈夢靈顯王廟問邊事夢神持一梓示之曰賀廢
劉中惟猪肺一具石榴一顆覺而喜豫將廢又四歲
果滅續綱目云飛奏乘廢豫之際擣其不備長驅以
取中原韓世忠亦上疏言機
不可失請全師北討不報

皇統三年進封豫爲曹王

攷異僞齊錄時豫謝表云
俄知廢罷之議愈堅措畫

之心是金之廢豫豫蓋先知之也竊憤漫錄云天眷
四年十一月廢劉豫爲河南道行臺傳送燕京囚於

柏王寺按此寺元一統志及析津志俱不載或元時已無此寺矣見日下舊聞考六年九月

豫卒改異宋史豫傳云紹興十三年六月卒乃金皇統三年也稍異今從史元好問中州集豫字彥

由載其雜詩六首及客館詩一首云有集十卷行於

世子熙寧通海陵時參知政事四世孫瑛今在太

康張淮節要云豫既廢提愼遲其北行居上京天子

廟在燕山東北千七百里顧奎光金詩選載其雜詩

有紅日轉西漁艇散一川山影暮天涼及無限嶺雲

遮不斷數聲和月到山家皆瀟洒有風致本傳均未

載子麟字元瑞仕宋補承務郎豫降麟因從軍討水

賊王江破降之尋知濟南府事豫僭立拜興平節度

使開府梁國公充諸路兵馬大總管尙書左丞相及

達蘭以軍廢豫赴汴止刁馬河在中牟縣東南召麟渡河議

事因執之攻異熊克小紀云時豫請兵益堅金令先調發山東兵會淮上約其子麟以二百騎

金史紀事本末卷十二 七

會稽清間即豫廢麟遷臨潢頃之授北京路都轉運

使歷參政左丞開府封梁國公卒

攷異南宋書云崇

阜故有天子氣甚明詔斷支隴以泄之居一年猶云
氣故在特稍晦將為偏閏之象不克有終張劉二逆
皆阜城人卒如所占至羅誘上南征策馬定國進君
臣名分論祝簡獻遷都國馬賦語多指斥許清臣毀
景靈宮孟邦雄發永安陵桀犬吠堯蓋無責焉北盟
會編謂該係豫所取狀元宏簡錄作羅許又孟邦雄
發掘南京塚墓熊克小紀載祝簡賦畧云嘉禾蠻荆
弗寶弗降固將突騎長驅不資一葦之杭豈惟觀長
淮飲大江而已哉豫批曰文賦非治天下者所尚此
賦極陳馬之有用有補馬政與減磨勘以示無言不
副元好問中州集云馬定國在平人字于卿唐中書
令周裔孫宜和末題詩酒家壁有蘇黃不作文章伯
童蔡翻為社稷臣三十年來無定論到頭姦黨是何
人句因是得罪阜昌初游歷下亭以詩撼劉豫豫召
與語大悅授監察御史歷翰林學士作石鼓辨餘萬
言自號薺堂先生有集行世國史有傳祝簡字廉大

單父人宋末登科國初官太常丞兼直史館有鳴鳴
集行世詩甚工如書懷云白髮渾無賴朱顏更不回
遮眼細書聊引睡扶頭濁酒最關情此類甚多又有
朱之才者字師美洛西人宋崇寧間登科入齊爲諫
官坐直言黜爲泗水令乞退家峨陽自號慶霖居士
有霖堂集行世昆弟數人皆有文名子瀾字巨觀

金史紀事本末卷十二